




泉徐氏重修

海岱及淮徐州

益之後

專



劉瑾著有鷲庵集曰悠廬親墓曰琪臨江太守出使安南我朝雲漢作人抱蜀不言而天下治沐膏澤而詠勤勞羣黎食德第杖扶鳩稚子恂恂牽車服賈知稼穡艱難徐氏自伯川公以來今已七百餘年官直隸廳事賜翰林檢討睦州司論貢成均者謁兵部者餼於庠者若而人叙昭穆也紀生齒也以婚以嫁先人宅兆定指南一一見之於譜吾同學鳳章振海大英人珍學超學誥學賢士照輩汲雙泉浣濯蒞事益虔訂譌補闕慎之又慎有臨之在上質之在旁者矣豫忝門下壻與有榮施諸相交不余鄙竊自愧雕今潤古樗材漫漶不自知老至諄匕然已八九十也

峕

道光二十七年歲次丁未梅月上浣之吉

勅授修職郎晉文林郎杭州府昌化縣儒學以教諭銜管訓導事  
覃恩加二級截取知縣

門下姻愚弟何

豫薰沐頓首拜撰

時年九十矣

集賢堂名  
卷之三  
卷之三

三



吳寧雙泉徐氏宗譜序

吾族當宋高宗建炎二年始祖伯川公自同族姑蔑義門奉  
來胥宇居縣北思賢坊孝義里至孫宗紹於延福坊西創建  
祠宇以奉始祖神主因名曰延福行祠示不忘本也叔父國  
瑞見祠狹隘重造兩廡祇修歲事庶幾擴前人未盡之志矣  
但譜牒年遠未修而枝葉日繁予懼子孫原委弗知昭穆無  
序族屬疎遠久而相視如途人也故與金華雙巖外甥張定  
亨者析其支派補其缺畧生娶卒葬年月行實皆明白可觀  
或筆削未當惟賢子孫其正諸

皆

大元至正壬寅二月既望

九世孫福祐序

*[Faint bleed-through text from the reverse side of the page, mostly illegible]*




吳寧雙泉徐氏重修宗譜序

譜何爲而作也賢子孫憂本原之失其傳而作也蓋譜所以紀姓氏明世系序昭穆別親疎其來尚矣家有譜牒猶岐之有水宗族水也譜牒隄防也鞏其隄防則水不壞修其譜牒則親不紊水以潤乎物譜以興乎禮義物不潤則枯禮義廢則宗族爲途人此譜之所由不容以不作也矧萬物本乎天人本乎祖天之生生不息者固造化一氣之運行而人之所自由身而上爲父爲祖爲曾高下之爲子爲孫爲曾元左右之爲親兄弟爲從兄弟爲再從爲三從至於九族傳緒綿延於百世而無窮者孰非祖宗一氣之流通乎謹按徐氏之先柏翳允也自次子若木受封得姓傳三十二世至偃王失國



徐之公族子弟散之徐揚二州間又三十五世孫漢元帝時  
秘書監金紫光祿大夫名元洎者避莽亂遂遁江南隱居姑  
蔑城八世孫洪爲婺州刺史後周顯德間嗣孫頊復守婺州  
階大中大夫五代僭亂子諱坤者避難東陽山谷間樂其風  
土之勝因家東峴山下此始遷之祖也傳七世至諱備者於  
玉爲九世祖與從祖諱伊爲兄弟從祖居縣西號西徐祖居  
縣東號東徐西族尤盛玉生幾齏嚴君捐館賴母俞夫人撫  
育教誨者二十年始登科第忝有祿食兩守邊檄所以榮其  
先者俸入有限莫伸罔極之報末年調守建寧謝政而歸竊  
慮族屬踈遠後來者無所印証遂因舊譜續述其有爵行者  
書之次序並以位行相從詳畧則以親疎爲別惟我同宗雲

初思隄防蓄水之理相與傳授不墜庶乎脈絡貫通親疎縷  
晰誠無愧禮義之族矣嗚呼禮義於人大矣猶饑寒必需於  
衣食我賢子孫誠能明其禮義上而祖宗則當揚其言行而  
誌銘其墓傳其文章而繼述其志下而族屬吉者慶凶者弔  
急相周而難相赴祭祀燕享事尊撫卑具合儀節者皆是而  
在所當勤矣玉嘗考同宗姑蔑義門譜及質諸鄉里耆艾因  
知先世之幽光潛德大抵皆以勤儉起家以學問致身以忠  
孝事君親以清白遺子孫故峴山之徐蔚爲名門豈偶然哉  
傳曰積善之家必有余慶是皆自我祖宗種德中來雖然譜  
而前四百餘年間世系昭穆爵行親疎之由舉日可見譜而  
後我祖宗仁義之源詩書之流則有方來滾乚之賢子孫也




企前修之遐迹振後來之絕響庶君子之澤未斬徐氏之盛  
事復見大書特書不一書而止尚勉之哉

書

大明正統元年歲次丙辰二月朔旦

賜進士第中憲大夫福建建寧府知府前翰林院庶吉士

十一世孫子玉百拜序



吳寧雙泉徐氏重修宗譜序

予弟公璧守建寧謝政歸重修譜系予讀之世次昭穆綿數  
百年彰彰然如指諸掌詳且核矣予奚容喙噫君子重乎譜  
者非誇多而鬪靡所以慎同姓別親疎也奈何喪亂之薦更  
漂焚乎水火汙沒于泥塗譜牒之存者幾何族屬疎遠貧賤  
富貴之不齊概視之如途人可勝嘆哉夫貧賤富貴者勢也  
昭也穆也百世而不絕者義也是故親遠則疎也則離其勢  
既然而譜存則義存譜亡義亦從之亡矣嗚呼此譜之不可  
不修也修則親雖遠而不疎所以存義在於譜而譜詎無補  
於義哉今觀予譜先世源委歷漢晉唐宋間名公碩人接迹  
史書若元泊常曄顯於漢靈顯於晉安貞顯於唐雄璇父子

顯於宋是數公者皆忠信博學爲世名臣灼灼在人耳目其  
他郡守縣令秉施教鐸者未易枚舉隆承祖宗餘慶竊祿于  
朝嘗慨夫世之人固有五世而忘譜者有三世而不知其祖  
者有於其身而不知其出者予弟之修斯譜蓋統疎合離以  
達乎本源明世次敦孝弟貽厥孫謀以寓尊祖敬宗之意其  
知孝之道哉傳曰善繼人之志善述人之事者也後之子孫  
尚當修舉世德繼繼承承不墜厥緒以無負予弟修譜之意  
也尚勉之哉

峕

大明正統元年丙辰一月朔旦

奉

旨巡按山東等處監察御史陞遷福建按察使司按察使僉事

十一世孫隆百拜序





(The main body of the page contains several vertical columns of text that are extremely faint and illegible due to fading and bleed-through from the reverse side.)

大興吳寧雙泉徐氏重修宗譜序

建寧太守東陽徐侯公璧修其宗譜持以余示徵序將承其傳也余援覽其宗系之承統各行之昭列詳乎其所載遠乎其足徵子孫之衆多文獻之相傳彰也乎如指諸掌何其盛哉孔子能言夏殷之禮杞宋不足徵慨然興嘆者文獻不足故也徐氏之譜本末蟬續一覽而古今具焉文獻不泯誠非他族所可擬溯而上之以及伯益受氏之初勳業之隆德澤之盛綿也奕也其所由來者遠矣降自後周世宗顯德間諱頊者來守婺州子坤者樂東陽士俗之勝因而家焉自是族日繁衍衣冠顯耀蔚爲吾郡望宗歷宋元來代有顯人至於運去物改出而仕今時者彬也焉推其由徐氏源委積累非



一朝夕是以餘光流澤子孫綿延炳烺於四百年矣猗歟  
盛哉侯不昧其本源汲匕以譜牒爲事者將以敦宗合離其  
知孝之道哉且侯少孤賴母俞夫人孀居守志不貳延師教  
授而侯穎悟卓異服膺慈訓早登科第宣化郡邑二十餘年  
政行廉平所至有聲又從兄原大由監生拜監察御史守法  
奉公激讒不阿凜乎如秋霜烈日人咸稱其兄弟顯揚並美  
世莫與京紹前賢繼往哲豈偶然哉亦由世胄高明慶澤悠  
長所致也嗚呼本豐者末茂德盛者世昌徐氏之子孫數英  
擢秀方源匕而來將無窮也予同郡故樂道而序於譜云

昔

大明正統二年歲次丁巳二月初吉

國子監祭酒朝列大夫兼修

國史

金華貝泰書於彝倫堂署



[The main body of the page is a large rectangular frame containing 12 vertical columns. The columns are currently blank, with only very faint ghosting of text visible from the reverse side of the page.]



吳寧雙泉徐氏重修宗譜序

天下徐氏皆宗伯益偃王此氏族之大原也然自徐子章禹見執於吳徐之子孫散之荆揚間衢婺之徐以始遷者爲始祖禮也漢元帝時有諱元泊者爲光祿大夫避莽亂隱居姑蔑孚遠祖也吾同宗義門祖之據元至正壬寅舊譜吾族自伯川公以下昭穆世次班比可考孚當齠齡之時嘗聞高祖行六七府君百歲翁者云九世以上予弗知伯川公當爲始遷之祖然吾父僉憲公文十五府君叔太守文廿六府君兄雲山先生諱棠修譜並云周顯德間諱頊者爲婺州太守子坤莊一舍人始居縣北先達如主事杜公淇副使杜公瑄外叔給事中吳公澤外兄主事吳公世望皆所云若是楊文貞

公士奇作智十一府君墓誌亦云今考之郡誌五代郡守三人無所謂頊者按家乘行實文多不詳豈伯川公始遷姑蔑之祖後世遂因之而不正歟然則諸先生之言夫有所受之而誤也世俗之論謂今朝冠冕不若遙比華胄故榮之夫子孫慕王謝卞壺責之唐言崔盧李鄭太宗刊正氏族誌置崔幹三等英雄所見類如此以是而疑吾先人殆非也且禮有所極分有所限就使莊一舍人果爲伯川五世之祖今亦不得而祀之矣伊川先生曰冬至祭始祖立春祭先祖晦翁門人楊復曰先生初亦祭後覺其僭遂不敢竊謂禮本乎天而可以義起先王之制不可過亦不可不及伊川之言禮以義起吾伯川公以之晦翁守禮不敢過吾子孫當則之在禮祖

有功宗有德力奮播遷創業垂統伯川公之功大矣立廟修譜推廣孝思宗紹國瑞福祐三宗之德至矣本原之地在子孫固不當誣亦不當棄蓋草茅崛起者嘗患於誣累葉陵夷者嘗患於棄誣則是不愛敬其親而愛敬他人人亦何樂乎子孫之賢棄則是天親可以人爲神明之允可得而續何貴乎祖宗之賢吾祖宗皆文武忠孝以清白遺子孫亦孔之厚矣固不患於誣第恐興替不常譜系繁亂則夫所爲棄者不能無慮也欲光前裕後者可忘家訓以詔我賢子孫哉謹按宗譜一修於至正壬寅則福祐禮二府君之爲也相其事者甥張定亨再修於正統丙辰則太守文廿六府君之爲也董其役者高祖雲山先生行三四府君棠三修於成化二十年

則曾叔祖勉學先生忠七九府君倣同男姪雲霆實在之曾  
叔祖廩膳生員瀛宗伯刑部郎中珙嘗有志於斯未就而卒  
歲月拋荒悠乚六紀無復以是爲念者延至嘉靖戊申吾父  
元四六府君敬同從叔祖熙謙再行修纂正其訛舛補其缺  
畧自伯川公而下備載詳明正欲梓行以報先德天胡不仁  
相繼云沒迄今又踰三紀矣况祖宗功德之論未明所謂誣  
與棄者誠可慮也予願賢哲之凋謝慨文獻之無徵觀先君  
之遺墨誦讀之餘不勝悲感欲同長兄文焯纂修以畢先君  
之餘功而兄鄉貢又臨朝京期迫又不暇及此孚也學術短  
淺故不敢當此重任也但犬馬之年又將耳順失此不爲誠  
恐遺稿散亡得罪先人纂修之舉自有不容於己者故敬與

同志從叔梧崗先生鳴鳳正其義例刪其繁冗釐爲十卷圖  
系爲一卷世次爲一卷譜序


誥勅一卷行狀碑銘贊文一卷外送贈詩文歌賦五卷一曰  
尊始祖二曰褒功德三曰表貞良四曰守家範五曰謹嗣續  
六曰慎婚娶七曰秩宗祀其要則在於仁厚其本則在於詩  
書其行則在於孝弟勤儉其事則在於吉慶凶弔此修譜之  
大意也若夫賢子孫能自得師者又當以明道希文自期待  
隨其力之所能爲者而舉之因心廣愛以光前烈母徒以不  
悖祖訓自足焉耳矣嗚呼肇修人紀以保宗祊厥惟艱哉吾  
賢子孫其尚念之庶不負予期望之心矣乎是爲序

皆



大明隆慶歲次戊辰仲冬吉日

十六世孫文孚頓首百拜謹序



Faint vertical text columns, likely bleed-through from the reverse side of the page, containing historical or genealogical information.

吳寧雙泉徐氏重修宗譜序

凡譜之作也必溯其所自始重統宗也又必別其所自分紀世系也秦燼以還宗法弗振江左風華青齊甲冑競以門第尚至宋而譜作殊稱詳備我徐氏以若木公王述肇興封國受姓歷板蕩而不湮稽之舊簡自漢晉及唐有秘書監元泊孝子惠明觀察使壺諸君赫然於旂常竹帛間至南宋伯川公籍東陽雙泉一派咸奉爲始遷之祖自是宗室繁衍冠裳蔚起譜之作所由來矣仰溯南宋開禧之二年有秘書府君雄纂立斯譜元至正之壬寅起而編次則九世孫福祐也迄皇明僉憲隆公翰林子玉公憂喪亂之薦至湮焚於水火汗沒於泥塗族屬疎遠視爲途人相與謀輯彰匕乎如指諸掌


嗣後而繼其手澤者又有雲山先生棠勉學先生傲雲霆諸  
賢及予祖槐軒公重加翻閱正其訛舛自伯川公以下備載  
詳明庶乎原始要終無何日月邁征悠々八紀譜牒荒逸散  
失周親過此以往幾不可考是時白山翁行亨六二府君吾  
先嚴也志存纂述殫力宗盟偕梧崗先生鳴鳳窮源溯流朝  
夕稽核彙爲世紀派析本枝其長幼尊卑親疎昭穆并々而  
不可紊秩々而不敢干若小加大濞破義凜々而不敢犯一  
覽而親親之義具焉惜乎梨墨方新文獻未竣先君歸玉樓  
而急公付梓之景川公竟相繼云逝在苒流光忽々四紀觀  
此遺編時切風鳴水號之感商之從叔惟武日文鎬者重加  
訂正整其已備補其未備支傳文獻捐貲續梓似乎成帙矣

或又存乎見少也。以爲吾族碁布星羅，散處於荆揚豫越莫  
非同源合流。今有一之弗漏乎？況古人作譜，謂今日之相視  
如途人者，其初皆兄弟，而兄弟之初皆一人之分身也。使以  
一派而畧衆派，得毋漏而弗該乎？予曰：此第知其義而未知  
其勢也。其羣聚散處，必盡某匕而臚列之，以紛御紛，曷其有  
極？所以有五服之等，殺九族之區別，非故爲之析勢使然也。  
惟一本不淆衆派，滙焉萬壑，朝宗此同源合流之義，矧雙泉  
遺澤自此振匕，初匕承祧繩武，恐更僕弗及紀。而今日之發  
皇其始基也，使後賢繼起以祖功宗德爲念，又何俟余媿匕  
而爲之言。

峕

大明萬曆歲次乙卯仲秋既望

十七世孫邦驊百拜謹序



Faint vertical text columns, likely bleed-through from the reverse side of the page, containing historical or genealogical information.

吳寧雙泉徐氏重修宗譜序

甚哉公議之難明也而世謂常明於身後非謂國史之傳足以考信與未也時移事去過其舊鄉詢其故老稱人之善者無所佞諛言人之不善者無所避諱考其成敗之迹求其言之遺以推原其用心庶幾足以知之然猶未也國史固不足盡信賢人之隱德難知而凡傳記所說私家之所纂錄或友朋私與其所善子孫欲蓋其所親逞其胸臆之見筆之於書以授其善令身後出之以爲信實是非錯謬又有甚于國史之傳訛者昔人有言人無所不至惟天不容僞欲知其人之善惡是亦在並視其子孫之隆替可以徵之也庚戌之秋余浪遊至吳寧觀兩峴之奇峯挹盡水之潏抱山川之秀麗

既已擅其長人才之懿美必於斯極其盛聆鳴琴之暇因信  
步治後見其居人士俱彬乚雅乚文質堪型甲第連雲丹堊  
壁立詢之知爲峴北徐氏迨觀其家廟時方以譜牒之修重  
加新輯有二三文學向余乞序予因閱其世系徐氏自嬴姓  
偃王之後歷江左至唐有功以陰德顯五代之際其所由來  
尚矣及際明初則有觀察壺公翰林子玉公侍御隆公中憲  
珙公其累世簪纓歷朝黼黻何其盛哉今

皇清鼎定雖班鴛有待但諸文學俱穎異嗜學豪邁超倫長年者  
俱仗義好施奉親幃者俱委順聞孝稱善者無所佞言不善  
者無所諱無友朋偏護之私無子孫欲蓋之愆真三代之遺  
風江南之鄒魯行將鵲起天衢冠冕

清世予甚喜其有賢子孫聊以數言弁之見積德愈厚流光益遠  
俾後有所考見爲善不怠也與若其間世系統序則有大丞  
貝公暨各公之文喬遷居貫則有昌黎韓公之碑予不敢贅

皆

大清康熙十年歲次辛亥之吉

賜同進士出身中憲大夫內陞候補京卿前吏科左給事中歷任  
戶刑工三科左右給事中己亥科充會試甲辰

欽差稽察吏部事務奉

特旨欽取直隸大名府推官楊 鼎撰



林官燧頭市蘇大各和雜官財 無窮

於臺林察吏階車務奉

氏既正二林衣亦歸導中行交採夜會瑞甲是

觀同蓋士出良中憲大夫肉製刻簡京輿前交林空餘事申湖升

大書泉照十平燕火率交之吉

皆

貝公豐各公之文喬發臥貫限亦昌樂和公志野字不取覽

於海亦和未見愈善不愈出與善其間世矣然有頃亦大五

節世字甚喜其自贊平慈輝以禮言後之貝贊無愈早為次益發



吳寧雙泉徐氏重修宗譜序

古者庶邦列辟各紀其山川文物習俗風尚貢之王國以成  
史至於治家猶國曰家有譜猶國有史者誠重之也然家非  
譜則紊譜非修則又弗傳是以青州一銘石鼓千言模糊而  
莫辯者可通於修譜之義矣吾族自伯川公遷居峴北宗譜  
之作其來已舊若宋有秘書府君元有福祐府君明有侍御  
內翰二君每於源流之際遞加詳晰嗣後有棠棣諸君及太  
大父槐軒公會大父白山公既重修之至大父利一百五二  
府君又輯續之忽也流光迨我先嚴之世已四十餘紀矣因  
顧仲叔秀陽公扼腕商之曰宗法漸遙世次無序自此日邁  
月征則祖武孫謀何以徵文而考獻恐族之散處于殊鄉異

井者而秦越人視之矣遂不惜清白罄橐修梓功方及半時  
與願違今踰二紀每念先人之創而修修而續與夫續而未  
竟者俱屬殘編矣心竊傷之欲爲一人任而弗逮搦管啣天  
終涉紗籠之影似迺進而啟於叔君用夏卿復詢之兄九錫  
九敘允青爾建及謀之弟爾文之佩震甫莫不舉手加額者  
再咸曰此吾家事也燕函越罇莫不竭蹶共勳况族之鼓舞  
同心如叔祖伯瑞伯鎮從叔厚之承美承學承章兄爾升炳  
卿弟之黻爾智爾善姪顯祖子約輩指不勝屈惟厥成乃事  
以爲之倡一堂商確朝獵而夕討之蒐羅遺帙若周鄭之璞  
杖杜伏臘之嘲不可以不考故字櫛句比嚴加稽覈訛者訂  
之闕者補之煩者刪之重複者汰之忌諱者避之至潛德勿

耀實行足錄者詳之誌之分部摛詞計二十七冊併續家事  
七款及刊先人墓誌祀租號畝非專也以先人之譜爲經而  
此其計疏也自是展轉翻閱燦若日星昭穆尊卑之分長幼  
親疎之節秩然井然鴻序而鴈行至歷代名公如漢之元泊  
晉之壺唐之安貞宋之雄諸公皆流芳青史及明之侍御隆  
公內翰子玉公正郎琪公爲當時名臣居家孝子自後孟復  
君之忠直兩峴君之博雅可山翁之逸才皆有諸名鉅公珥  
筆綺合吐屑飛瓊不啻珠宮貝闕已備載文獻又無俟縷晰  
而喙陳思前此之譜創而修修而續續而未竟徵信考疑瞭  
然心目業已重新廣輯庶乎有以畢先人欲了未了之事開  
後人當行卽行之心遂延鑲氏於己酉陽月之中浣工乃伊

始因聚族而徐觀歛成聞之袁燦曰衣冠禮樂今在是矣又  
思蘓子作譜有曰觀吾譜者孝弟之心可油然而生然則深  
維作者之意而還念先型則譜爲左箴右銘可也我宗以篤  
厚樸素爲世法以文章實行爲家模吾族永言恪守祖父爰  
佩不忘當我世慷慨咸從克承先烈自此弓冶丕承箕裘勿  
替瓜瓞螽斯正未有艾先靈實式憑之矣爲之序

皆

大清康熙十年歲次辛亥仲春之吉

十九世孫洪殷百拜謹序

吳寧雙泉徐氏重葺宗譜序

予蒞治吳寧歷有六載因熟識其人情風俗大約磊落英多  
然求其卓乎大雅雖家世素封號稱名族不爲裘馬佻達之  
華而有敦本尚實之意以庶幾小雛魯惟雙泉徐氏稱近古  
云予每欲表章而揚厲之以敦風化愧未有暇適今宗譜重  
輯其諸生父老請序於予此固予之欣然載筆者也幸稽徐  
氏出自偃王歷漢唐以後代有偉人而其徙居吳寧峴城則  
自婺州刺史之子諱坤者始至六世孫伯川公號雙泉故稱  
雙泉徐氏元孫諱雄者舉宋開禧進士任翰林編修子璇嘉  
熙進士任隆興觀察推官十一世孫諱隆者洪武時由胄監  
勅山東河南監察御史陞福建僉憲鐵面魚頭咸稱司直從

弟子玉永樂甲申進士擢翰林歷任鎮蠻建寧知府所在皆  
有惠政諱玘者以偃城儒學劾劉瑾擅權數十事直聲震朝  
廷十五世孫諱琪者宏治壬戌進士爲刑部郎中遷臨江知  
府歷仕俱有顯績其他鳴琴振鐸仕路馳聲者指不勝屈猗  
歟盛哉徐氏歷今六百餘年矣衣冠如雲烟火相望秀者詩  
書樸者力穡在鄉在邑戶口以數萬計豈非祖宗之所培植  
者單厚孔固而其子孫一仍忠厚之遺率由罔越故源遠而  
流長本沃而枝茂者哉其譜牒之重輯者屢矣今復起而修  
之而昭也穆也世次釐然濟也繩也後先相繼追而溯之雖  
支分派別如同一家孝弟之心有不油然而生者乎重輯之  
力蓋不淺矣予志樂其風俗之厚貽謀之善吾知其後裔方

將激昂青雲蛟騰鳳起與前代諸公後先輝映矣謹序

皆

大清康熙五十年歲次辛卯仲秋之吉

賜進士第文林郎知東陽縣事史泓撰





吳寧雙泉徐氏重修宗譜序

予秉鐸吳寧六載有奇日與諸文學相摩厲知此中士氣既不競浮艷亦不涉鄙野文質適中殊有先進遺風而邑稱醇厚素甲於望族者尤於雙泉徐氏爲最一日徐之文學以宗譜重葺旣成請序于予予甚善其請因受而閱之考徐氏來自南渡由衢郡龍游太學生兆一公其始遷裕祖也自考卜之日至今二十有餘世其譜之作雖創於大元至正之福祐公而源委晰然世系詳明則是有明之僉憲諱隆翰林諱子玉實爲之權輿自後支繁派分累葉重修大都以五十餘年爲率梨氏已經數易中之世代昭穆宗支里居綱紀劃然甚得歐蘇家法迨讀累葉文獻忠孝節廉文章政事後先接踵

其條分目列視備載于府縣乘誌中若合符節世祇知徐氏之遺軌而不知雙泉之世業世祇知徐氏之分輝而不知雙泉之濟美若夫代有科名曷足爲雙泉榮哉善乎古人有言曰其根深者其葉茂其源遠者其流長此物此志也予因之有勸焉方今

皇上化道休明治臻唐虞伏讀

萬壽詔書深以風俗益薄爲慮蓋以風俗者教化之所由起也慨自世風澆浮嗜慾日滋人各爲謀視同胞如行路待本宗等異類續譜謄記實非深文今諸文學幼學壯行異日俱有治理之責者當自刻勵維風厚俗率由舊章庶不負

聖王宵旰之惕慮一旦奮庸王路爲循吏爲宰執龔黃韓范一流

如取懷而予是不獨有光府縣乘誌且得垂芳青史若僅施  
榮於雙泉之譜牒亦淺之乎見矣是爲序

皆

皇清康熙五十二年歲次癸巳春王三月吉日

東陽縣儒學教諭霄川郎 培頓首拜撰



東陽縣志卷之二十一

卷之二十一

出

榮外斐來之蕭...

歐項...

吳寧雙泉徐氏重修宗譜序

家之有譜猶夫國之有紀省郡州邑之有誌也紀統一代政  
事人物之要志兼方名里物風俗之全而譜則序一家木本  
水源昭穆次第以及文章品行之詳讀其書考其事均足以  
廣聞見而決從違非徒記載之陳迹已也顧紀誌紛繁披閱  
匪易博覽全窺者少唯家之有譜則子若孫斷未有不詳察  
編考溯厥淵源稽其實蹟而繼志述事之念亢宗繩武之思  
有不覺油然而起勃然以興者譜之有功於人較之紀與誌  
爲更切惟是世遠則事多無稽族繁則圖易混淆苟非固守  
無失時加修葺欲其遠而可據繁而不混者蓋莫乚乎其難  
之辛酉春庠生徐 等以其家譜重修告成請序於予予

久聞雙泉爲東邑巨族諸生等爲端人正士而未得其詳也  
覽其譜始於黃帝歷唐虞三代以及秦漢晉唐宋元明而迄  
於今其源可尋其本可識遠而可稽也支分派別脈絡分明  
繁而不混也因思萬物本乎天人本乎祖雖服止五代而族  
則萬年人惟不識其所從出則同姓亦如路人雙泉之譜原  
委昭晰括盡無遺則其眷懷族黨永念宗親敦本睦族之風  
概可想見矣不寧惟是將由此而察識由此而擴充民吾胞  
也物吾與也其孰非此中所自生哉若其祖功宗德彪炳古  
今厚秩顯榮歷隆往代賢良中正輝映後先者既有事實之  
可考而前之人又已言之予不復贅予獨喜諸生等彬彬雅  
雅誦習詩書循禮蹈義所以光前而裕後者正自未艾何莫

非讀其譜稽其事有以興起其繼志述事之念元宗繩武之  
思之所致乎則譜之功更切於紀與誌者爲益信吾願讀譜  
者尚其共體斯意也夫


皆

皇清乾隆六年歲次辛酉春王三月吉旦

文林郎知東陽縣事荆南詹士前頓首拜撰



Vertical columns of text, likely bleed-through from the reverse side of the page. The text is faint and mostly illegible due to fading and bleed-through. Some characters like '東', '南', '北', '西' are visible in some columns.



重修家譜董事序

嗣之續也世次相承則有尊卑鴈之序也珠貫相聯則有長幼支之分也源流遞殊則有親疎所以作譜之法行以別世數以紀序圖以核支使一族之尊卑長幼親疎截然齊一凡智愚閎之皆油然動愛敬之思矣至於芳表足矜行誼堪式則名公宿士樂道人之善有爲之詳其生平而撰之文備載之所以示勸也其他詩賦歌記皆羅列焉夫亦以備觀風問俗之資倘所稱文獻之徵猶賴於是豈得草率就事以致支紊序淆會悟鮮通聽其豕訛亥謬所以諸先君子與斯役者每不勝謹凜慎重之思當夫事之旣成因以經營所親歷者筆之簡端非示誇也欲使後人知所效也無何至於今屈指

修期已屆三十春矣韶光易逝人壽無常爲生爲卒竟有子  
而忘其父者孫而忘其祖者且查覆舊修梨氏之式其間歲  
次乖背行列舛錯種乚不一而傳文詞賦遺落倒置諧聲別  
誤亦難枚舉因之目擊耳聞各有一傍徨悻怖之狀而諸尊  
者乃曰是殆不可以已夫以故慮夫姓之散而無紀也每房  
各設譜長若洪彬若洪珠若洪吉若洪登若光禮若光國若  
光清若光華若光理若明錫若兆彩若明鏞若明琦若明冬  
若明擯若明瑞若明持若正翰若正坦若正治其計得二十  
餘人慮夫事之聚而無統也于局中則選舉董事若洪橋若  
光悌若光瑄若光璣若光文若明鋒若陞陞若作梅若明錦  
并予附之共得十人譜長則開註丁冊董事則磨勘悞謬務

期常在祠內凡所謂增訂改正悉歸董事更於舊修每行之  
下揆以六甲載以歲次附以享年使之三面對校有準有繩  
由是工則取其良器則取其具式則取其精材則取其美其  
間溢美虛詞不敢妄採實德實行不敢輕棄由日而月旻無  
暇刻由月而年責無旁貸上以承先人不墜之緒下以啟後  
人嗣續之延雖不敢云可告無罪而於諸先君子所謂謹凜  
慎重之思亦可自問厥心嗚呼澄本清源者仁人孝子之心  
也承先啟後者善繼善述之志也全不敏謬附驥尾叨膺茲  
役既愧學識蕪陋無由得窺底蘊兼以西席之任未免分用  
其志幸各協力同心克勩厥事不識自今以往重修又在何  
年倘後之君子有能紹明此舉則冥心述當必有諒者爰

為序

皆

乾隆六年歲次辛酉姑洗月

二十一世孫德全百拜謹序



吳寧雙泉徐氏重修宗譜序

司馬子長作史記初爲十表凡爵里姓氏不見正傳者年經月緯通載於表此卽宗譜之凡例也陳壽作三國志獨無表後之史氏皆沿其失至歐陽五代史始還龍門遺意蓋掌於史官則爲表傳爲家乘則有譜其義一也然而作譜者亦有難焉得姓受氏之先其可攷者固無慮其舛謬若竇氏之始于逃出自竇也敬氏之析而爲苟爲文也源旣不明卽譜亦何足徵信此其一也况霍去病之少從母姓郭崇韜之自附汾陽史雖傳以爲羞而後世之紊亂莫可紀更難僕數此其二也嗟乎譜豈易言哉又豈易修哉自非有仁孝之思繼承勿替何以使千百世之瓜綿椒衍而流示無窮也吾觀雙泉

徐氏宗譜重有嘉焉徐氏爲吳寧望族漢晉以前毋論己自  
宋明以來科名簪紱之盛代不乏人而又有忠讜直言文章  
氣節之士炳耀簡冊當不徒以子姓之繁碩爲譜牒光可知  
矣其修於前代也有嗣孫翰林子玉僉事隆兩公之序在其  
事核其體嚴而其爲文也雅馴自仁率親等而上之至於祖  
自義率祖順而下之至於禰仁孝之道備于此矣今其裔孫  
諸文學又重葺其家譜水源木本數典而弗敢忘是卽仁人  
孝子之用心也於立朝見批鱗折檻之風焉於蒞民見名棠  
郇黍之治焉於文學見倪寬劉德之經術焉爲其子孫者景  
前光曷後嗣思奮發而顯燦之而

國家治化之隆駸比乎與三代比烈矣又豈獨敬宗睦族爲徐氏

雲初世守哉是家乘也而卽爲異日柱下之所編也余承乏  
是邑重其請而更冀修譜者之蹶然而思起焉是爲序


昔

乾隆三十有三年歲次戊子十一月下澣之吉

文林郎知東陽縣事長白諾穆渾撰



文苑英華卷之四百三十五  
詩集卷之四十五  
五言古詩  
蘇東坡詩集卷之四十五  
五言古詩  
蘇東坡詩集卷之四十五  
五言古詩



雙泉徐氏重修宗譜序

一人肇始萬姓遞承源流既殊親疎各別非有譜以綱維之  
何以昭晰而不淆然則譜有關於族誠非淺鮮也謹按吾族  
自伯川公始遷傳至九世有禮二諱福祐者始制譜牒然亦  
僅存其畧也延及有明得翰林子玉公出于致仕之暇乃與  
我祖僉憲公博採舊章旁搜遺帙上自分封下逮本身昭也  
穆也內外分傳使後之子孫窮源溯流開卷卽了遐哉謨烈  
之垂誠可謂不祧之俎豆矣自是而後亦代有傳修而編集  
詩章揚功表德則惟我勉學先生諱倣者爲之權輿既而以  
義起禮辨別祧宗則惟白山公諱文孚者爲之經畫惜乎梨  
工未就歸赴玉樓間嘗覆閱序文而終始其事者則惟伯遠

雙身後日宗譜卷之二  
三  
公諱邦驊者爲之後先追我

國朝恩承化日吾族衣租食稅亦多歷年所矣而屈指修期一在

于康熙十年辛亥之歲時則君用夏卿爾盛等共二十人董

率其役再在於五十二年癸巳之歲查爾時司事者概畧不

載二修於乾隆庚申之紀時亦有明鋒陞陞并余等二十人

贊勳其事迄於今距庚申之修又三十年矣閱世生人閱人

成世子旣生孫孫又生子盛衰難定遷徙無常屆此不修恐

舛錯遺漏仍蹈前轍乃進而謀諸各兄弟子姪輩而各兄弟

子姪亦皆踴躍爭先鼓舞勿倦爰是鳩工輯績選厥董司前

屆之董修則惟余於陞陞而繼父兄之志以司事者則有光

照明發正漢鶴鳴正鑑夢熊 趙正葵正楠紹基其譜長燕

山則有洪迅光行明祥瑞竹則有光瑞侍御長房則有元吉  
二房則有  
三房則有明珮明鏃四房則有明綬明  
彤正敬七房則有明哲磚門長房則有明琦正理二房則有  
正學正源始事於丁亥之陽月告成于戊子之至月其間訛  
者訂之謬者正之遺者補之碩德者錄之貞節者表之徵文  
考獻雖不敢自矜明備而依舊錄新居然一族繼纂之成書  
其於保厥宗祏之義不洵有合哉嗟夫我始祖一人耳避亂  
播遷占籍邑治蔭厯四朝雲祲不億迄今流覽簡章不勝作  
求世德之想幸犬馬之年已踰從心不辭老敝敢與諸昆季  
子姪輩共任斯勞豈敢曰以兩任之修明自表哉夫亦以此  
日之贊勳聊以補前修或失之過耳凡我宗盟有敬宗睦族

之思者尚其鑒諸

皆

乾隆三十三年歲次戊子冬

仕一世孫德全百拜謹撰



雙泉徐氏重修宗譜告成序

從來得姓受氏而卽成爲各門望族者非懸而無薄也泉出有源木榮有本人必溯其祖所自始斯原委了然百世可知顧得其始矣而必窮其始中之始則又不殊於夸父追日非惟力有不逮抑亦勢所不能吾族雙泉徐氏自宋高宗建炎二年伯川公從姑蔑義門聿來胥宇羨峴屏之拱秀喜盡澗之清漣選勝卜居卽籍吳寧城北至孫宗紹等奉爲始祖創建祠宇以妥以佑咸以爲生斯聚斯爰得我所矣厥後瓜綿椒衍人文漸起使聯絡無方又恐渙而難萃南宋開禧年間秘書府君雄公起而纂立譜牒元至正之壬寅九世孫福祐公從而編次成帖支分派別已幸維繫有屬延至皇明僉憲

隆公翰林子玉公更相與細爲參酌整其已完補其未備益  
覺斐然成章嗣後而雲山先生棠勉學先生倣以及雲霆諸  
賢槐軒前輩皆經修飾未已也若白山翁梧岡先生等又重  
加訂正自宋元明以迄本朝修葺代有其人凡忠孝節廉流  
芳青史科名甲第奏績彤廷達而在上者咸炳若日星至高  
人碩士潛德幽光罔不蒐羅記載家乘之作由來久矣尚何  
待襍線之才重爲補綴哉雖然智者千慮必有一失安知百  
密不無一踈愚者千慮必有一得安知一長不替足錄今因  
會族共商鳩工輯續錄新依舊慎選董司凡應入而未入者  
悉爲登載不致貽譏掛漏詩云不愆不忘率由舊章徐氏以  
之嗟乎我徐氏譜牒自先世奉歐蘓之法有外紀有內紀繪

圖允當爲大宗爲小宗行列分明况自屢經修葺以來秩然  
有條井然無紊已幸擇焉而精語焉而詳後裔患之尚恐久  
而弗振不無荒失舉所以明世系序昭穆別親疏者句斟字  
酌細加考覈嚴立科條法戒凜然卽謂家乘所載無異柱下  
之所編也可伏願世世子孫繩武追踪如漢晉唐宋元明以  
及本朝各公巨卿接迹史書則他日起而任修明之責者不  
與有榮施哉

皆

乾隆六十三年歲乙卯桂月

賜同進士出身

欽授翰林院檢討銜

二十二世孫愛蓮頓首拜撰



...

...

...

...

...

...

...

...

...


...



庚辰續修宗譜序

乾隆甲寅年宗譜重修酉年三十有二與從叔正舒凌漢同  
典藝文取全冊而訂之詳登下誌婚嫁明父子之親昭服屬  
之序聯姻戚之誼燦然也其例簡而明其事顯而易司其局  
者皆有以詳慎而考定之文集若干卷闡潛德摭幽光非蓄  
道德而能文章者無以行世而傳後蓋難言之矣味道懵學  
不敢上下其議論迄於今二十有七年馬齒日頽阿蒙如故  
甲寅之有事者多齒於冥伯族議續而修之滋益漸懼汗顏  
也顧更有說馬家乘之修萬不敢擬國史而淳謹老成行比  
一鄉者亦不數覲體裁攸異譽論從同以訂文集則益難言  
之然則修譜之義修其譜中之事而已續譜之義續其所修

之緒而已譜皆也序世統事以資周普序世必以族族屬也  
綴合子孫以相聯屬也族必以廟也貌也彷彿祖貌以尊形  
容尊祖必以祀也似也似見先祖以祈福祥祀事怠廢則廟  
饗不恭饗不恭則族屬爲行路族不屬則譜事爲具文由斯  
以談修譜之義不離乎此續譜之事莫要於此知序世而不  
知統事詳登下誌婚嫁周普云乎哉廟建於有明之中葉而  
譜無廟圖其缺典一也陶瓦滲漉椽棟朽壞敗壁墜剝朝不  
謀夕春秋書太室之屋壞懲不共誠廢弛也今葺而新之爲  
費若干緡後寢不以藏衣冠而以招僕役犁鋤將作草萊蕪  
穢烟煤炭結切近燻灼春秋書桓僖災例人火謹人事也今  
撤而改之爲費若干緡廟產置於有明之中葉而譜無產記



甲寅始載祀產而記誌陋畧其缺典二也祖置祀產以給子  
孫世服先疇據爲私有懦者肥已橐頑者售強宗甚有改造  
鱗冊變置業主以屠滅祀產者爲鬼爲蜮卒不可得今訟之  
於官謀追而復之爲費若干緡譜有二缺續之惡容緩然  
則恢廟制以教孝弟復祀產以教力田孝弟力田居鄉之道  
將在是矣方今承平日久生齒綦繁惟新陟  
皇敷遺庥美教養之澤浹髓淪肌

嗣皇帝祇見之晨舜慕堯思服古喪禮

孝治之仁家喻戶曉又復沐浴膏澤今歲之入郡邑庠者若  
望潮若甲榮若光榮若雯亦一時之秀而後起之英也用以  
告人文之畧振雖云小試吾

雙身後日宗譜卷之二  
先祖庶顧而樂之其所望乎夕秀之不振者豈莫也哉譜始  
事於今年之春丁男千八百有幾行傳銘誌慶弔各以類敘  
凡數越月而戒成至於恢廟制復祀產極祠事之崇飾正疆  
理之華離成事之期聿以歲計當需之

道光元年酉不才無以述祖德於萬一庶後之崛起者詳慎  
考定秉筆而記之於譜以續甲寅所修之緒序世統事以似  
其祀而貌其廟而屬其族而普其譜則家乘之光庶乎無忝  
實有厚望此續譜之義而記事之志也若夫宗法不立何言  
乎大宗小宗廟制非古何言乎齒昭齒穆述德不稱何言乎  
內紀外紀以及祖功宗德之文追孝廣孝之說綜肇綏而拾  
牙慧酉不敏則又無取焉嘉慶庚辰一陽月孫大酉恭記

雙泉徐氏紀源引


紀源者記其源流耳源濬流長朝宗於海自源徂流百世猶一日焉此家譜之源流所以不可不作也東陽雙泉徐氏宗譜歷世源流有序以著其詳有圖以聯脈絡首尾相蒙貫穿今古鑿乚可徵者也謹列於卷首以示後允觀感源流之所自云

徐氏世系紀源

徐氏顓頊允也曰女修生大業大業生伯益佐禹治水有功舜封嬴國侯黃帝九世孫也夏仲康封益子若木於徐國因地得姓爲徐氏若木生四子分爲四姓曰征國徐氏曰終黃氏曰季勝馬氏曰簡趙氏自征國至二十五世孫康生滄乚

生彥彥生訓訓生緩緩宮人姜氏感瑞有孕周昭王三十六年丙寅正月二十日己酉生卵以爲不祥棄之水濱獨孤母有犬名鵠蒼獵於水濱得所棄卵啣以東歸獨孤以爲異覆暖之遂啖成兒徐君宮人聞之乃更錄取生時臨偃故稱偃王各誕字子儒長而仁智襲君徐國後及偃王當國一以仁義文德爲治是時周穆王無道駿駟西遊同王母宴於瑤池之上謳歌忘歸四方諸侯爭辨無所執正咸賓服於徐之庭者三十六國得朱弓赤矢之瑞穆王聞之長驅而歸命楚伐徐偃王仁義不忍鬪其民南走越城之隅棄玉几研於會稽之水遁跡於明州象山縣海島村卒葬於卷嶼山偃王雖失國民戴其嗣爲君如初配姜氏生三子曰寶宗曰寶衡曰寶

明寶宗生乾乾生顛匕生固固生旭旭生恭恭生永永生思  
 思生疆匕生亘匕生章禹章禹既執於吳徐之公族子弟散  
 之徐揚二州間章禹生融融生簡簡生滿滿生覲覲生閔閔  
 生杜杜生諧匕生沛沛生乘乘生可可生詵匕生仲仲生長  
 長生猛昔仕爲列國大夫猛生二子曰下曰市市字彥福秦  
 秦始皇使海上領童男童女各五百人往蓬萊山採藥居海東  
 漢不返今東國是也卞事漢高祖爲光祿寺大夫卞生下邳太  
 晉守彭彭生司農寺卿靜靜生益州刺史萬秋萬秋生渤海太  
 守景興景興生豫州刺史式式生車騎將軍霸霸生抱漢宣  
 帝時甘露元年拜相國抱生二子元泊元泊元泊在漢元帝  
 時爲秘書監金紫光祿大夫莽亂避難渡江隱居姑蔑城於





壺為九世祖也壺切慮族屬踈遠支派乖錯謹書根源昭示


來茲為我子孫者永宜鑒之

晉大安元年歲次壬戌三月初吉

福建八州觀察司

賜緋衣金魚

嗣孫壺謹記



雙泉徐氏重修宗譜記源

按姑蔑義門譜漢甘露間趙國相抱生二子長元泊次元泊  
乃偃王三十五世孫於玉爲四十四世南渡始遷之祖也元  
漢泊第乾三字文副漢元帝建昭間拜江夏太守遷秘書監階

金紫光祿大夫王莽謀竊漢璽毒害忠良泊乃於陽朔二年  
五月十八日避難渡江尋訪偃王舊跡隱居姑蔑城太末里  
泊卒葬於龍山靈山之陽因號爲徐龍山子孫散處龍邱六  
邑間故信安之徐並元泊公後也世傳靈耀寺乃其捨舊宅  
初元泊公追思偃王仁義本源令子孫作新先王廟屋建立  
東華靈山二廟以昭祀典後來衢州刺史蔣穎叔題詩廟左  
云姑蔑之墟太末里偃王之廟垂千紀當時逃戰越城隅玉

凡曾投會稽水靈山窅比白雲飛古木蒼比翠烟起仁義從  
來慶緒長州人大半徐爲氏元泊第乾四字文宗生延平延  
平生江夏太守仲遜傳四世子孫不繼元泊娶渤海王氏生  
三子長延壽次延齡三延遠延壽生曷曷生字字生景四世  
而亡延齡生晃晃生完完無嗣延遠生尚書左僕射御史常  
曄常曄生三子曰宣曰富曰宏宣生昇昇生饒饒生本本生  
五子長曰承南郡太守居閩之蒲田縣崇仁里次盛洪州太  
守次洪漢建安初任婺州刺史居衢之姑蔑山卽今龍游縣  
東東華山也居吳郡者曰攀蘓州刺史居龍邱梅湖鎮者曰琪  
漢衢州刺史洪生垓垓生福建觀察使賜緋魚袋壺壺生邱比  
晉生侯侯生二子伯珍伯瑰伯瑰生理理生均均生誥伯珍生

璣璣生城城生謨謨生澤之澤之生林甫林甫生二子曰岱  
日岵岱生惠明惠明事親至孝居喪廬墓泣血三年著孝行  
有靈芝白兔之瑞唐太宗表其門賜粟帛蠲賦役惠明生二  
子安亨安貞安貞登唐神龍二年進士第歷官至尚書侍郎  
徙居蘭谿縣孝義里安亨生禧生述述生庭蘭庭芝庭芝  
生鸞庭蘭生揚州同知鸞生穆穆生驥驥生崇崇生頊後  
五代周顯德年間復守婺州頊生二子坤字元厚址字元載是時  
五代僭亂二子避難散處枝邑金華東陽山谷間承平樂其  
宋山川之勝址居金華北山下坤於宋開寶戊辰年徙居東陽  
東峴山之下東北隅縣之有徐氏自此始玉則祖之坤生晟  
晟生彬森森不繼彬生保義郎知潭州事舜卿舜卿生二子

伯川伯宗今圖之所列者皆伯川公之子孫也伯川生二子  
曰伊曰備凡同宗遷居外縣子孫世家于彼及出繼者皆畧  
不載伊生次鎮次鎮二子長雅雅生煥煥生四子鎔銅鐘鉅  
不繼次雕匕生萬三上舍煦國子學正焮匕無嗣煦生四子  
嗣續蕃衍備生次鎬次鎬生千二府君雝朝散大夫秘書少  
監雄千四府君雝雄生隆興府觀察推官穎雝生焯焯生三  
子孟鑑仲鉞季錡鑑二子長曰乾道元孫隆字原大由國子  
監生階文林郎任監察御史陞福建按察司僉事階奉議大  
夫次日熙道玉高祖也曾大父曰國安大父曰文友生三子  
長先公智十一府君曰明道先公三子仲則玉也而玉與從  
兄隆有子若孫源源而來矣嗟夫古者天子建德因生以賜

姓胙之士而命之氏因以爲族而徐氏自受封得姓暨自項  
公守郡以來綿歷四百餘年間爲公卿爲大夫爲郡守爲縣  
令寄耳目施教鐸者代有其人斯非宗先積德累仁曷克委  
祉垂休保有宗祧於悠久乎抑亦當知玉族屬歷世顯榮久  
而弗替如一日者乃在世德而不在世美矣玉菲德叨祿謝  
政而歸念元季兵興譜牒曠修懼族人散處戚忻慶慰之禮  
或不相及久而至於塗人乃因舊譜有姪棠者纘輯成帙將  
以統宗合離以詔將來惟願後之子孫修身慎行善繼善述  
以修夫孝之大者則庶乎君子之澤殆百世矣

胄

大明正統元年歲次丙辰二月初吉

嗣孫子玉頓首百拜誌

查世系乾道公係燕山等派之祖而御史五派與門下

三派均屬熙道公之後前紀將文十五御史公諱隆字

原大載為乾道公元孫似應改正但子玉公名進士重

纂譜牒去當年世數未遠夫豈失於考稽且前賢更多

繼葺豈其畧不寓目因而仍之亦闕疑之意也予也敢

妄為改正乎

乾隆六年歲次辛酉春三月之吉

董事孫合誌

徐偃王世家序

徐氏之先出自黃帝九代孫伯益其後有若木佐禹治水有功封徐國侯因地賜姓爲徐氏若木生四子分爲四姓曰征國徐氏曰終黃氏曰季勝馬氏曰簡趙氏自徐國至二十五代孫康康生滄匕生忠義侯彥彥生東平侯訓訓生緩周平王拜爲列國侯辭不受徙家深壑託隱於泗州平源縣東二十里徐國理山中娶天水姜氏生誕字子儒卽偃王也自黃帝至偃王四十二代偃王母初感瑞有孕昭王三十六年丙寅歲正月庚寅朔二十日己酉生左手拳握不開年七歲始開掌中有紋理是偃王二字其字甚分明故號偃王生時天降朱弓一赤矢兩赤雀啣書紫氣臨身白雲蓋頂年一十七



歲卽裕文武兼全之畧當是時徐土作亂率衆以犯宗周西  
至河上穆王畏其偪命偃王討之有功穆王寵之分國與治  
偃王乃誕敷文德君國子民一以仁義爲尚悉除去刑名四  
方諸侯之爭訟者不之周而之徐謳歌者不謳歌穆王而謳  
歌偃王陸地來朝者三十六國時穆王西巡宴王母於瑤池  
之上樂而忘返偃王聞之恐遂稱受命命造父御長驅而歸  
與楚連謀伐徐偃王聞之喟然嘆曰君子不處亂世賢者不  
顧榮祿吾豈忍以土地而貽民鋒鏑遂逃之越城之隅棄玉  
几硯於會稽之水去之薄壤山下居之百姓從之以萬數偃  
王薨民號其山爲徐山今靈山是也卽其地立偃王廟偃王  
雖逃身失國彭城之民戴其嗣爲君如初偃王亦娶姜氏生

三子曰寶宗曰寶衡曰寶明寶宗爲潁川侯偃王自周至漢  
八百有餘年元泊公其三十五代孫也陽朔二年渡江東居  
東陽太末里縣卽古會稽也有姑蔑城去城南五十七里曰  
徐山偃王遺廟在焉元泊重立之迨唐開元初去陽朔又七  
百餘年徐姓堅嶠二人相繼爲郡守率其部之同姓廣作廟  
宇其後九十年當元和九年徐君放復守郡又命革故爲新  
請辭於韓文公刊其事於石以詔來者徐之公族子弟因遷  
居移徙而立偃王廟者一十六所一廟在衢州城內靜池上  
一廟在姑蔑城東馬保一廟在龍游縣市東東華山一廟在  
龍游水北錦溪一廟在晉安郡一廟在寧國縣一廟在婺州  
蘭谿縣在城一廟在永嘉縣一廟在處州松陽上邑一廟在


吳寧縣一廟在下家村一廟在高平縣舊王城一廟在秀州  
 嘉興三里一廟在嚴州一廟在海州東海縣三里一廟在晉  
 陵縣三十里一廟在丹陽縣一十里其他若長芝若龍泉衢  
 婺二州相續為王之廟何止二百餘所鄉民之事于飲食必  
 祭水旱疾疫有求必禱焉然則王之神在天下如水在地中  
 無之不在也宜民之事之洋也乎如在其上如在其左右若  
 曰鑿井得泉水專在焉豈理也哉

贊曰

軒轅肇舉伯益奏功舜侯若木穆伯偃王福公入海泊祖過  
 江遙想原廟來此越邦巖也具爾祖孫有光千年垂蔭百代  
 流芳美哉宗譜久必不荒公侯滾也朱芾斯皇

元泰定丙寅端陽日

承事郎慶元路定海縣尹兼勸農事曹敏中序





徐偃王廟碑記

徐與秦俱出柏翳爲嬴姓國於夏殷周世咸有大功秦處西  
偏專用武勝遭世衰無明天子遂虎吞諸國爲雄諸國既皆  
入秦爲臣屬秦無所取利上下相賊害卒償其國而沉其宗  
徐處得地中文德爲治及偃王誕當國益除去刑爭末事凡  
所以君國子民待四方一出於仁義當此之時周天子穆王  
無道意不在天下好道士說得八龍騎之西遊同王母宴于  
瑤池之上歌謳忘歸四方諸侯之爭辯者無所質正咸賓祭  
於徐費玉帛死生之物於徐之庭者三十六國得朱弓赤矢  
之瑞穆王聞之恐遂稱受命命造父御長驅而歸與楚連謀  
伐徐匕不忍鬪其民北走彭城武源山下百姓隨而從之萬

有餘家偃王一死民號其山爲徐山鑿石爲室以祠偃王偃王  
雖走死失國民戴其嗣爲君如初駒王章禹祖孫相望自秦  
至今各公巨人繼跡史書徐氏十望其九皆本於偃王而秦  
後迄茲無聞家天於柏翳之緒非偏有厚薄施仁與暴之報  
自然異也衢州故會稽太末也民多姓徐氏支縣龍邱有偃  
王遺廟或曰偃王之逃戰不之彭城之越城之隅棄玉几硯  
於會稽之水或曰徐子章禹既執於吳徐之公族子弟散之  
徐揚二州間卽其居立先王廟云開元初徐姓二人相屬爲  
刺史帥其部之同姓改作虜屋載事於碑後九十年當元和  
九年而徐氏放復爲刺史放字達夫前碑所謂今戶部侍郎  
其大父也春行視農至于龍邱有事於廟思惟本原曰故制

甬樸狹窄不足以揭虔妥靈而又梁桷赤白陔剝不治圖像  
之威黝昧就滅藩拔級夷庭木禿缺祈眈日慢祥慶弗下州  
之羣支不獲蔭庥余惟遺紹而尸其土不卽不圖以有資聚  
罰其可辭乃命因故爲新衆工齊事惟月若日工告訖功大  
祠於廟宗卿咸序應是歲州無怪風劇雨民不天厲穀果完  
實民皆曰耿乚祉哉其不可誣乃相與請辭京師歸而鑱之  
於石辭曰

秦傑以顛徐由遜綿秦鬼久饑徐有廟存婉婉偃王惟道  
之耽以國易仁貽笑於頑自初擅命其實幾姓歷短利長  
有不償亡課其利害孰與王當姑蔑之墟太末之里誰思  
王恩立廟以祀王之聞孫世世多有惟臨茲邦廟土實守



堅嶠之後達夫廓之王沒萬年如始祔時王孫多孝世奉  
 王廟達夫之來先慎詔教盡惠廟民不主於神維是達夫  
 知孝之源太末之里姑蔑之城廟事時修仁孝振聲宜寵  
 其人以及後生嗟嗟維王雖古誰抗王死於仁彼以暴喪  
 文追作誄刻示茫也

實以皆

大唐元和十年十二月九日無習風懷雨具不天  
 賜緋魚袋吏部侍郎知制誥昌黎韓愈撰

雙泉徐氏重修宗譜目錄

第一卷

新序

歷修序

偃王世家序

紀源


家範

凡例

鄉會試旗匾銀

勅

誥命



分派列郡之目

歷朝所封之郡

偃王廟所

偃王子孫墓所

雙泉析居宅貫畧

奏疏


卷之二

世系外紀圖

世系內紀圖兆字行起至利字行

卷之三

世系圖利字行起至恭字行



卷之四

恭字行起至英字行 / 上卷

卷之五

恭字行起至英字行 / 下卷

卷之六

英字行起至康字行

卷之七

外傳五世

世傳兆字行起至信字行

卷之八

世傳元字行起至亨字行



卷之九

利字行

卷之十

貞字行

卷之十一

純字行

卷之十二

良字行 上卷

卷之十三

良字行 下卷

卷之十四



恭字行 上卷

卷之十五

恭字行 下卷

卷之十六

敬字行 上卷

卷之十七


敬字行 下卷

卷之十八

俊字行 上卷

卷之十九

俊字行 下卷



卷之二十

傑字行 上卷

卷之廿一

傑字行 下卷

卷之廿二

英字行 上卷

卷之廿三

英字行起至康字行

卷之廿四

人物節要

紅呈 哀辭



像贊

祭文

卷之廿五

記畧

序類

壽序


卷之廿六

行狀

行畧

卷之廿七

行傳





雙身後日... 卷之廿八

卷之廿八

貞節傳

墓誌

卷之廿九

詩賦

銘辭

序

後跋

卷之三十

墓圖

祀產



雙泉徐氏家範


引

家之有範如水之有防鞏其防則水不敗嚴其範則家不替然則範之義大矣哉是故君子順禮以爲之節和義以爲之斷緣人道而爲之衡使祖禰治於上子姓治於下昆弟治於旁賢有矜愚有式彼悍然不顧者或僂焉思逞也吾將援祖訓以誠之

乾隆庚申嗣孫德全謹引

洪橋 光悌 明鋒

作梅 陞陞 明錦全校



一尊始祖

祖者且也伯川公父舜卿公見譜載并爲百世不遷之祖矣  
宗紹國瑞公創造祠堂福祐公修譜文十五僉憲文廿六太  
守立身揚名忠六三恢廣廟制皆有功宗族各當享祀其後  
子孫亦以例附

一敦孝道

孝始於事親中於立身終於事君無一日可以忘孝者人子  
不盡能立身行道以顯父母務須殫心竭力以事父母欲報  
之恩昊天罔極所當凜也一或忤逆罪莫大焉慎之慎之

一友兄弟

兄愛弟敬六順之一况同氣分形誼關天顯一有釁隙手足

被傷矣奏堯簋戒角弓庶乎近焉

一和夫婦

造端夫婦道有固然易卦家人睽蹇晰言之連及之家人嗃  
匕貞也婦子嘻匕終吝也夫妻反目謂之睽則蹇蹇難也受  
之以解是在君子富易妻固不可若庸奴其夫尤不可祝牧  
語妻牛衣對泣蘓蕙爲盤中詩今每誦之

一重師傅

師傅所以造就人才也兒童初入館蒙養之基終身因之至  
經明讀史致君澤民皆後日事師之所關重矣爲父兄者須  
待之以禮意隆之以禮文優之以禮貌有以慰教之者之心  
受教者亦駸匕乎其日上矣尚其鑒之



一慎朋友

面朋爲朋同心曰友芝蘭香在衣袖間鮑魚之肆不可久  
與之處則俱化一善一惡不可不慎也


一睦宗族

形骸旣分氣味豈異推而上之原一人分耳倘或釘忿積仇  
構爭攻訐冥亡

祖宗旣有痛心本宗元氣亦多脞削矣凡我子孫毋以衆暴  
寡毋以強凌弱尚其凜此

一隆祭祀

禮有五經莫重於祭祭之日須順時備物齋宿衣冠致敬盡  
禮喧譁失言跛倚失體皆褻祖也尚其戒之



一 慎婚娶

一 締婚之道須擇其清白垂型勤儉持家者方可以耐久慕  
勢者醜近利者恥君子弗爲也若夫門戶不當理應革氏於  
凡例見之

一 務農桑

倉廩實而知禮節衣食足而知榮辱男耕女織寸陰是惜如  
有游手自安逸則思淫甚至寡廉鮮恥流爲不法等徒辱身  
賤行人所不齒貽悞孰甚奉此爲炯戒可也



雙泉徐氏宗譜凡例


引

例之爲言式也式於前則法於後故智者觸類而引伸愚者守轍以循途叅而稽之可以見輕重之先後焉可以見經緯之綱紀焉可以見名言之正順焉可以見恩誼之周浹焉以筆削爲予奪則寄義隱以詳畧爲褒貶則寓意深百世而下猶將仰高曾矩矱吾將於斯例見之矣倣古制增訂勿妄焉

乾隆庚申嗣孫德全謹引

洪橋 光悌 明鋒

作梅 陸陸 明錦全校





一家譜之制首冠人物以光前烈繼圖世系以示後昆次世傳以第尊卑次文獻以昭紀述先後分列纂成卷次使各有考核

一譜法世系昭穆彰彰然如指諸掌善者備書之以爲勸不善者削之以爲懲褒貶垂訓猶春秋之寓王法也

一譜序引跋皆出名流翰墨前後照舊序引冠於篇端序跋殿於簡末

一世系圖紀式前準蘓法繪其源紀所自出也及遷東陽鼻祖已下一本萬殊復準歐陽公世經人緯之法賢愚長幼悉俾登載盡五服而更提以抵於九族緣此而求之雖百世可知也

一歐陽譜於圖後更立小傳蕪譜乃省圖下今參三家法而折衷之蓋圖準年表而傳法列史也

一余家譜甚詳第年遠殘廢止宗伯川公爲始遷之祖圖曰本圖傳曰本傳其居姑蔑已上者列爲外圖外傳云

一親族異居者各標地里有貧賤流播者自祖宗視之均爲子孫不得輒棄苟非族而貴顯者不得攀附以取誣妄之譏

一首錄歷朝受封誥勅者重

恩典也次家範昭格言飭後昆也

一傳中生書各死曰諱所以別存亡也有犯國諱及祖諱者俱宜更改至上下代行分字母並宜畱心

一嫡庶圖中以次書之惟繼子於繼父系圖中書云繼一子某

生父下書云第幾子出繼世傳亦然本傳則書曰某人之繼

子以示歸宿而一承傳

一或本身無傳近而其祖遠而異派自有昭穆相當年庚相符者應繼爲嗣母許異姓人繼以亂本宗恐數傳之後有婚娶瀆姓之弊也其天亡者不得立繼係屬

本朝定例宜共遵之

一有以一子承兩祧者蓋遵

本朝定例自宜於本生父行傳後列名處旁註載明并承某行祧而於所承祧之父行後載明以某行之子某各承祧至本行上眉目標明某行之子并爲某行承祧其有娶兩室者本行後前氏歸本生後氏歸所承均於某人女之下書明係某人

之媳而於所出之子亦註明某氏出以便分屬或兩室同姓仍以前後別之出自一妻者以長子歸本生次子歸所承以後所出皆以次分必於子名下將歸所承祧之孫註明入某行派下爲孫惟此子本行上肩兼標某行之子某行之孫清源委也亦不得類書繼與出繼字樣

一出繼外姓者不得將其子轉繼入本姓以杜異姓瀆冒之弊  
一凡有遷居別郡或出繼異姓者並書其概於譜圖使後世有所考據

一世傳書行書諱書各書字及號書某地名某派某人第幾子書生卒年壽墓所有德者書行實有官者書宦績有文集書有某集藏於家或行於世有行狀傳誌墓銘之類書曰詳見

某人所作碑銘傳狀書配某氏繼娶者書繼娶某氏或合葬者書合葬某山之原然必據可考其不可考者闕之

一世傳所以第世次列昭穆也原譜排行字母曰

兆隆百千萬億

仁義禮智

文行忠信

元亨利貞

純良恭敬

俊傑英偉

安康富盛

和順尊榮

晉謙益與

泰豫頤臨

豐升復震

咸觀渙萃

所以望雲初未遞者深矣

右十二句凡五十字每一世通族取一字以貫之庶見統

宗會源之義


一生者書名每一世各冠一字於名上以別昭穆其目曰

廷文邦天

洪光明正

大人學士

希聖步賢



立朝尚志 崇本永傳 啓承顯用 端彥應聯

以上三十二字自十四世以下之行分字母也特標之昭

示來茲使後人一覽而知所取

一生存人物古無傳例以蓋棺事定也然有事實可書者據實書之不可浮辭溢美

一舊譜圖傳中起自某年至某年已上幾世仍列其圖於先言行生卒不書非敢畧也蓋歷世既遠無從考訂不敢妄書自五世已下生卒年月日時言行可據者悉存於左

一子孫流爲僧道者黜之以其異端也還俗者復之以其善反也

一人有過犯宜赴祠告

祖由家長理剖毋許涉訟家長亦不得偏倚徇私以滋弊端違者一體責罰


一婚嫁為大倫攸關如有婚嫁非類氏族卑污齊民不齒者娶不得書氏嫁女犯者削其父

一婦人有賢行者則於夫之傳下見之有貞操節義者則為立傳以勵風化

一嫡庶各分截然側室不許繼於嫡後但於庶子傳中書庶母某氏所出以子不得賤母也

一婦人夫在而出及夫死再醮者不書以其與廟絕也惟於子傳中書嫁母某氏所出以子不得絕母也并不得入主祠內

一夫亡子幼自應守節撫孤不能者不許招贅以致雜亂 丙



午重修合議嗣後如有違犯卽行革譜

一女子不與編行不書生卒之詳以其內夫家而外父族也必書壻之所自者尚門地也有節孝貞烈者傳之以見由本族之家教也

一墓地乃先人遺體所托宜詳誌之俾後人興祭掃之念所以防患而永全也

一文章錄其關係之大者其姑蔑遺文及近世著作無關於世教者雖工不能遍及非遺棄勢不逮也

一文獻錄內列行狀 次墓表 次墓誌銘 壙記 次傳

次贊 次祭文 次哀辭 次記 次說 次序 次詩

詞 歌 賦著先德也終之以序跋紀成功也



一譜例取法史記諸書特詳畧不同耳其秉筆者當虛心融會  
幹蠱前修務成其是不可依阿執泥取哂於識者

一宗譜族姓繁衍冊數難以概定今計祠堂及各派所藏併草  
譜共三十二冊仍編號數授與各房分序房長執藏各當寶  
重弗爲虫鼠所損傷風雨所玷污及水火盜賊之虞違者會  
衆重究其譜自梓頒已後不許私自填補如有生卒及婚娶  
事蹟會祠時填入祠堂副譜

一正譜外別置祠堂譜錄一冊凡未入譜子孫婚娶生卒行實  
之詳得以隨事紀錄重修之日得以據實登載庶免遺忘之  
患

增訂歲科鄉會試條規

一入泮者

給錢一千四百文

一補廩者

給錢一千四百文

一登科者

給錢一百千文

一武舉者

給錢八十千文

一發甲者

給錢一百二十千文

一武登第者

給錢一百千文

一優拔貢者

給錢八十千文

一副車歲貢者


給錢四十千文

如進京北場鄉試者  
增給錢四十千文


一捐雜職出仕者

給錢四千文

以上條規當年給發旗匾在內如各房已經開祭常無餘



資即將來年大常租田權起常收凡值年不得以未輪值  
爭執俟敷用後准其照次承值



勅誥

信安徐宗興等奉

太宗皇帝勅於貞觀六年十一月初四日門下平章

侍郎溫彥博高仕廉中書舍人徐會言等校量


徐氏譜集

信安縣臣徐宗興徐季安徐惠潘徐文豐徐方

漑徐世沐徐子徐子瑤徐基文徐玠婺州金

華東陽徐大器徐傲徐超徐城徐景興徐崩等





謹依宗譜開聞臣等祖出東海郡承偃王之後  
迨元泊徐琪遷北二郡世有顯宦欽蒙  
陛下詔勅修進臣肩死謹聞伏候

勅旨



南宋勅修徐姓譜裔

東海徐質北海徐賢豫章徐登金華徐琪等


詔云臣自偃王之後因漢叔世奸雄擾攘不處危亂  
渡江而南一枝分布婺州居焉臣琪鼻祖也元  
泊生延遠延遠生常曄常曄生宣宣生昇昇生  
饒饒生本本生承生盛生洪生攀生琪仕宦出  
處已條具前生裔中伏惟

陛下廓清宇內平治天下均量仕庶分別朱紫臣雖



卑劣叨預三司謹修先世官徐姓譜狀上  
朝埃恩及門不勝戰慄以

聞



唐文宗皇帝封徐氏誥



根生小昊葉出在臯聿爲後穆譔列初昭  
秦封上將漢號康朝邈矣先基沐恩昔朝

唐文宗皇帝封徐氏誥

二 道光四年年重修









宋紹定元年十一月十九日勅封偃王

誥勅

皇帝制曰昔者聖王之制祀禮也有功於民則祀之  
龍游縣感應廟靈惠慈仁善利王聰明正直民  
所憑依凡請禱而祈年悉陰孚而默佑爰增王  
爵用荅神休尚惟冥漠之中歆我殊常之渥可  
特封爲靈惠慈仁善利英濟王故

勅






此符乃日宗言所傳之秘法也其法之妙不可言也  
 凡欲求財者宜持此符於身則財源廣進無窮矣  
 又欲求子嗣者宜持此符於身則子孫蕃衍無窮矣  
 此符之靈驗實非筆墨所能形容也凡欲求財者  
 宜持此符於身則財源廣進無窮矣又欲求子嗣者  
 宜持此符於身則子孫蕃衍無窮矣此符之靈驗實  
 非筆墨所能形容也凡欲求財者宜持此符於身則  
 財源廣進無窮矣又欲求子嗣者宜持此符於身則  
 子孫蕃衍無窮矣此符之靈驗實非筆墨所能形容也




宋紹定元年十一月十九日勅封王配姜氏

誥勅

皇帝制曰神有功於民已開王祐婦從夫之爵猶有  
邦儀爰卽典言用褒淑則衢州感應廟靈惠慈  
仁善利英濟王妻姜氏稟姿柔順作配幽明日  
雨曰暘更資內助如綸如緯永稱徽名裨膺新  
冕之華肇錫禕衣之寵益裨靈貺以稱優恩可  
特封協濟夫人故



勅



宋紹定元年十一月十九日勅封偃王三子

誥勅

皇帝制曰幽明一理也爾父夙以陰績而疏王爵則  
所以寵命諸子者庸可缺乎爾善利王之子俱  
稱英嗣相協靈嗣憲利此方功績顯著爰頒德  
渥肇錫侯封特以從民欲抑將以昌世澤也尚  
克  
欽承益光前烈可依前件奉





勅如右牒到奉行

寶宗封佑順侯

寶衡封佑德侯

寶明封佑澤侯

皇帝時曰幽國一暨世寶父風以氣壽而流于新用  
天啟元平十一月十六日陳世勤王三千



沐陽令徐隆朝

覲勅

奉

天承運

皇帝制曰國家建置官府簡賢才而任之蓋以爲民  
民者國之本也爾等受任理民非一朝一夕三  
歲來朝不聞有陳言民事者豈民皆安而無可  
言者歟抑心不在民雖知其患而不言歟廷臣



以爾等稽誤政務交章劾奏爾罪當治

朕念民力艱難且郡縣之官有賢有否已令吏部簡

斥其不稱任者其餘皆宥復任爾等遵


朕命盡心民事勤力政務持之以廉公行之以寬厚


凡民有所不便政有所不通者具實來

聞庶幾以副

朕恤民之意欽哉毋忽故


勅





勅命  
 大明永樂五年正月十六日下  
 之寶





Handwritten annotations and marks are present on the left margin of the page, including a large character '八' at the top and some illegible scribbles at the bottom.

封御史徐隆父勅

奉

天承運

皇帝勅曰為臣能勤于職務國家既有以褒榮之而復推恩及其親者所以惇本始而為天下之父母勤也爾徐仲禮乃四川道監察御史隆之父積善毓慶致有子為國之用茲特封爾為文林郎監察御史服此隆





恩永綏祿養益勤祇慎光我  
命詞欽哉

勅命

大明永樂五年二月廿六日下

之寶



封御史徐隆勅

奉

天承運

皇帝制曰國家設御史所以振綱飭紀肅僚貞度激濁揚清其任重且要矣選衆而授厥惟艱哉爾徐隆發身儒業御史

廷陞勤慎效職亦既有年茲特錫之

勅命以示褒榮夫居侍從而以言爲職貴達大體而




畧細故爾益端乃心肅乃行毋徇母激懋于厥  
官尚有

榮命需爾後效欽哉

勅命

大明永樂五年二月廿六日下

之寶




福建建寧府知府徐子玉勅



奉

天承運

皇帝制曰國家建立郡守所以宣布德威愛百姓明  
教化慎政刑均賦役理冤訟生民休戚攸係其  
任重且大矣必得公廉勤慎之士始克稱焉爾  
福建建寧府知府徐子玉登進士之科擢大邦  
之首操履端詳懋著勤慎顧歷年之既深宜







寵恩之是及茲特進爾階中議大夫贊治尹錫  
之誥命以為爾榮爾其夙夜匪懈益懋進修  
以副任用之意欽哉

勅命

大明洪熙乙巳年十月初一日下

之寶

...



贈建寧府知府徐子玉父徐明道勅  
奉

天承運

皇帝制曰朕惟為父者以教子為慈為人子者以顯

親為孝皆天性之自然也故

朝廷推恩臣下豈以存沒而有間哉爾徐明道乃建

寧府知府子玉之父敦德履善晦迹韜華訓子

成名居官稱位雖祿養之弗逮宜



建寧府知府徐子玉父徐明道勅

道光二十九年

卷之二

恩典之有加茲贈為中憲大夫福建建寧府知府九


泉有知服斯

寵命

勅命

大明洪熙乙巳年十月初一日下

之寶





封刑部主事徐珙勅

奉

大承運

皇帝勅曰秋卿撫邦禁之權國脉斯繫主事佐郎官  
之政職務攸資故必才行之俱優庶幾委任之  
不負茲惟慎選務在得人爾刑部貴州清吏司  
主事徐珙儒業起家賢科拔俊列官郎署分理  
邦刑聽斷詳明才既優於折獄操持清慎志克




篤於奉公屬當慶典之行軫念賢勞之績式降  
寵渥預示褒嘉特進爾承德郎錫之 勅命於  
呼為國之要在執法愛民之實在恤刑尚加  
慎以俟登崇欽哉

勅命

大明宏治十八年八月二十六日下

之寶



封刑部主事徐珙妻王氏勅  
奉

天承運

皇帝勅曰婦專饋祀儀刑不出於閨門國重褒封寵  
命必均於伉儷彝倫尤繫典式具存刑部貴州  
清吏司主事徐珙妻王氏禮度周詳性資柔婉  
出自華族嬪于名門禮義從夫志不違於母訓  
勤儉率下動必協於家規婦道既修褒章宜錫



茲特封為安人益敦祗慎之風以邀嘉祥之至




勅

大明宏治十八年八月二十六日下

寶

年

世祖... 王... 命...



封刑部主事徐珙父徐致勅

奉

天承運

皇帝勅曰旌獎賢勞乃 朝廷之殊典表彰先德亦

人子之至誠蓋忠本孝移而親由子顯式關風

化奚間存亡爾徐致乃刑部貴州清吏司主事

徐珙之父樸質不華謙恭無競居鄉樂善素敦

長者之風教子登庸克舉郎曹之職顧鼎釜之





養弗逮於生存而

綸綽之褒宜頒於身後用彰潛德式耀幽扁茲特

為承德郎刑部貴州清吏司主事非徒伸報德



之情亦以勵守官之節


勅曰命

大明宏治十八年八月二十六日下

之寶

大明宏治十八年八月二十六日下





贈刑部主事徐珙母任氏勅

奉

天承運

皇帝勅曰母氏劬勞義實兼乎教育

朝廷寵數禮

特重於褒榮肆緣報本之情覃示追崇之命亦

惟有德始稱厥名爾任氏乃刑部貴州清吏司

主事徐珙之母慈惠夙成勤儉兼至出自名族

歸于德門順正從夫久著儀刑於宗黨賢名成





子竟違祿養於郎曹顧栢棧之澤尚存而風木  
之懷彌切爰伸恤命以慰孝思茲特贈為安人  
庶懿靈之有知服休光於無斁

勅命

大明宏治十八年八月二十六日下

之寶






勅刑部郎中徐珙出使山西

勅刑部郎中徐珙錦衣衛千戶鄭俊先該寧化王府儀賓劉瑤訴稱伊父劉登先因賒買鈔貫與韓文有讐巡按御史李穩偏聽韓文妄供將伊父痛打回家身死又先將跟官舍餘韓景等各打三十相繼身死等因已令都察院覆奏開稱劉瑤一面之詞本難盡憑但係干人命相應差官行勘續又該襄垣縣軍人連珠訴稱縣丞黨禮




先怪伊兄生員連瑀不肯保舉後因成安縣關  
取脫逃強賊陳鑑等黨禮却提拿陳表兄陳鑑  
誣是強賊捏申御史李穩處隨將連瑀等四名  
同解到院用大板打傷重當夜俱各身死又該  
都察院覆奏亦稱所據黨禮情犯與御史李穩  
事有干連必須併勘方得明白茲特命爾等前  
去督同布按二司掌印并該道守巡官提弔劉  
瑤并連珠等各訴詞內一應干查人卷到官從



公問勘檢驗務見明白有罪人犯依律照例議  
擬停當情輕者先行摘發情重者監候奏請中  
間果礙御史李穩及其餘應叅人員一併通行  
奏請施行爾等職居法曹及近侍衙門平日素  
有風力今受此簡命宜悉心推問務使事情歸  
一人無後詞以稱朝廷明慎用刑之意毋得偏  
徇回護致令有屈不伸如違不爾貸事畢具奏  
即便回京故





勅

時到回京

人欲... 不... 不... 不...

廣... 運... 宜... 宜... 宜...


廣  
運

大明正德十年閏四月初十日下午

之... 寶... 其... 其... 其...

其... 其... 其... 其... 其...


其... 其... 其... 其... 其...





奉

上諭據琅玕奏浙省本年鄉試諸生中年逾八十以上之貢生徐愛蓮等俱三場完竣未經中式等語徐愛蓮等年逾八旬精神矍鑠踴躍觀光洵為藝林嘉瑞着加恩賞給舉人一體會試俾皓首窮經得償夙願用昭壽世作人之至意欽此

大清乾隆五十三年戊申十月十六日下







奉

上諭據知貢舉伊齡阿汪承霈奏本年會試舉子內  
八十以上徐愛蓮等皆三場完竣未經中式等  
語此次各省舉子年老應試者多至四十人龐  
眉皓首踴躍觀光洵爲昇平人瑞着賞給翰林  
院檢討銜大緞二疋以示朕加恩儒者仁壽作  
人之至意欽此

封贈一代





勅命二軸

皆

大清乾隆五十四年己酉四月初十日下午

... 八十以上翁受...




嚴州府遂安縣教諭徐大酉勅

奉

天承運

皇帝制曰風化先于一邑學校宜崇人材出自諸生  
師儒是重爾浙江嚴州府遂安縣教諭徐大酉  
持躬有素奉職無慚教以詩書文義實資於講  
習諭之禮讓士品正藉以陶成茲以覃恩授爾  
為修職郎錫之勅命於戲前勞已著用褒訓誨





之能後效方長益勵漸磨之術

勅命

道光十五年十月初十日下午

寶



贈嚴州府遂安縣教諭徐天酉父徐文炳勅

奉

天承運


皇帝制曰任使需才稱職志在官之美馳驅奏效報  
功膺錫類之仁爾邑庠生徐文炳迺浙江嚴州  
府遂安縣教諭徐大酉之父雅尚素風長迎善  
氣弓冶克勤於廷訓箕裘丕裕夫家聲茲以覃  
恩馳贈爾為修職郎錫之勅命於戲肇顯揚之



卷之六十一

道光二十一年重修

盛事國典非私酌燕翼之深情臣心彌勵




諭旨以朕體效天而美矣不佞失定望萬以享  
亦邀安樂燕翼之新大酉父父報商案風是受  
也勅諭諭命下爾等率坐餘文朕聖德所歸

道光八年十一月初九日下

大臣之寶

觀其於我燕安燕翼之新大酉父父報商案風是受




贈嚴州府遂安縣教諭徐大酉之嫡母何氏勅

奉

天承運

賞

皇帝制曰奉職無愆懋著勤勞之績致身有自宜酌  
鞠育之恩爾何氏迺浙江嚴州府遂安縣教諭  
徐大酉之嫡母淑範宜家令儀昌後早相夫而  
教子俾移孝以作忠茲以覃恩賜贈爾為八品  
孺人於戲賁象服之端嚴誕膺鉅典錫龍章之



卷之三十一

道光元年




渙汗允播徽音

道光八年十一月初九日下

天祚之寶

御遠...



贈嚴州府遂安縣教諭徐大酉之繼母張氏勅

奉

天承運

皇帝制曰佐庶司之經理爰獎通才勸百爾之孝思  
用彰慈教爾張氏迺浙江嚴州府遂安縣教諭  
徐大酉之繼母德可型家恩能育子顧復無殊  
于所出榮光適逮夫乃身茲以覃恩馳贈爾為  
八品孺人於戲師賢母之風勵茲清白沛熙朝




之命垂此徽音

敕應為命

道光八年十一月初九日下

寶



徐氏派分天下列郡之目

一龍游縣在市濤湖定陽鄉湖鎮盛湖啟賜下漸湖

一東陽縣在雙泉山豚嶺下南徐

一永康縣雙錦鶴鳴午崗塘

一徐州

一婺州金華縣在城小清

一睦州

一麗水縣太平浮雲章萍川

一義烏縣

一衢州西安縣開化縣江山縣

一青田縣

一錢塘縣在城臨平西雀萬松嶺

一越州縣

一溫州瑞安縣相之下

一會稽縣

一杭州臨安縣現嶺

一明州

一龍泉縣白巖西溪葢竹在城

一象山縣

一武義縣在城履坦

一餘姚

一處州縉雲縣柏巖

一常州

一蘭谿縣孝義里

一於潛縣淇公下

一富陽縣重資下

一海鹽縣節竹村

一丹陽縣鳳城鄉

一泗州平原縣

一常熟縣南沙

一洪州南昌縣

一潤州京口淶嶺

一信州悠之下

一嘉興縣隆公下

一池州銅陵縣

一沈湖永豐縣


一松陽縣白巖

一台州黃巖縣

一仙居縣百丈

一湖州烏程縣

一福建浦城縣



一歙縣文備下

一蘓州吳縣

一蒲田縣徐村

一山東東平府

一東莞縣

一瑯琊

一慈谿縣一邳州

一永嘉縣

一河南

一高平縣一秀州

一北海縣

一揚州

一建安縣

一楚州

一武陵縣

一舒州

已上派所俱照舊開列不改其原名云

歷朝所封之郡

一東海

一高平

一東莞

一瑯琊

一東陽

一太宋

一潁川

一平源

一武陵

一北海

一姑蔑

一吳郡

一濮陽

一馮翊

一豫章

一甘泉

一東平

一河南

一里忠 一榮陽

已上所封之郡照舊開載

偃王廟通共三百餘處立在近郡者使嗣世知其所自云

一廟在衢州姑蔑城南五十七里 一廟永嘉縣

一廟姑蔑十八里馬休村侍郎墓 一廟松陽縣

一廟龍邱縣靈山 一廟潤州丹陽縣


一廟蘭谿縣北五里 一廟處州青田縣

一廟東陽縣廿里牌 一廟高平縣

一廟處州下街 一廟嘉興縣

一廟吳寧縣 一廟臨安縣

晉陵



已上廟所載在祀典者開列於此俾嗣世知之餘不及詳載  
偃王及子孫墓所於各郡者

一墓象川縣偃王墓在地名海島村

一墓姑蔑城元泊公墓在  
一墓吳江

一墓東陽縣三祖墓在計五十所  
一墓吳興

一墓嘉興縣宜陽侯墓在  
一墓常熟縣東五里

一墓臨安縣毓公墓在  
一墓武義縣文肅公

一墓於潛縣南五里琪公墓在

一墓金華縣十里頭侍郎城公墓在

一墓海鹽縣侍郎猛公墓在

一墓永康縣御史中丞公墓在



一墓永康縣寺丞木公墓在

一墓義烏縣文清公墓在

一墓金華縣武寧侯墓在

一墓六十五都壯一舍人萬五公墓在張泮塘屋西

一墓伯川公墓在西甌山

一墓僉憲公文十五府君墓在一都普橋南

一墓翰林太守公文二十六府君墓在七都水閣

一墓司訓公忠八十六府君墓在十四都南山

一墓東陽縣太守公珙墓在六十三都西塢塘

徐氏各公巨卿侯伯等官之墓列葬天下者衆不具開止將近

郡之可稽凡子孫顯榮者詳載顯宦誌不能悉錄



計開各派領執譜冊各次列後

公堂譜一冊 士照執

天字號 瑞竹 明璋執

地字號 瑞竹 正葵執

立字號 瑞竹 正業執

黃字號 燕山 正選正洽執


宇字號 燕山 大震執

宙字號 燕山 大琳執

洪字號 御史長 人富執

荒字號 御史三 大昇執

日字號 二



月字號 御史二 朝士執

盈字號 御史三 正泮執

昃字號 御史三 野茅墩 人傳執

辰字號 御史三 大魁執

宿字號 御史四

列字號 御史四 鵬遠執

張字號 御史四 學書執

寒字號 御史四 人義執

來字號 御史七 正鐘執

暑字號 御史七 學誥執

往字號 御史七 正宜執



秋字號  
七  
大松執

收字號  
磚門長  
粹儒執

冬字號  
長  
景文執

藏字號  
長  
龍德執

閏字號  
磚門二  
大英執

餘字號  
二  
大魁執


成字號  
二  
人政執

歲字號  
磚門三  
八都角塢


律字號  
三  
衢正倫執

呂字號  
石鼓  
奏法執

調字號  
長塘  
大方執



已上三十二冊每冊共計三十本編三十字乃清新庾  
 開府俊逸鮑參軍渭北春天樹江東日暮雲何時一樽  
 酒重與細論文



歷代祭祝配饗錄

宋勅太學生姑蔑來遷始祖考兆一府君

始祖妣俞氏安人

配請

顯祖考隆一府君

顯祖妣滕氏安人


顯祖考隆二府君

顯祖妣厲氏安人

宋贈朝散大夫百二封君

誥封顯祖妣喬氏夫人

顯祖考廸功郎仕河西王簿千二府君



Vertical text on the left margin, partially obscured.

一三首光丙午年

顯祖妣陳氏孺人

賜進士翰林院編修仕至朝散大夫秘書少監千三府君

誥封孫氏夫人

賜進士隆興府觀察推官萬二府君

誥封孫氏夫人

國子監學正調兩淮制幕王管稽疑文字萬四府君


誥封葛氏夫人

顯祖考萬五府君

顯祖妣劉氏安人  
康氏安人

顯祖考億一府君

顯祖妣俞氏安人



顯祖考供檢億三府君 孺人葛氏

顯祖考仁一府君 安人劉氏

顯祖考仁二府君 安人舒氏

顯祖考義二府君 安人潘氏 石塘之祖

顯祖考義四府君 安人周氏 燕山之祖

顯祖考義五府君 安人吳氏 石鼓之祖


顯祖考義六府君 安人朱氏 瑞竹之祖

顯祖考義七府君 安人王氏 御史磚門知縣三派祖

顯祖考禮二府君 安人葉氏

顯祖考禮四府君 安人吳氏

顯祖考禮十四處士





明勅建坊旌表節孝顯祖妣周氏安人

明勅監察御史智一封君

誥封周氏夫人 陳氏夫人

明勅中憲大夫智十一封君

誥封俞氏夫人

顯祖考智十四府君 安人蔡氏


顯祖考智二十六府君 安人章氏

修職郎上高縣縣丞智三十六府君 孺人吳氏

顯祖考文九府君 安人蔣氏

明勅監察御史文十五府君

誥封鄭氏夫人 周氏夫人 孫氏夫人



顯祖考文十九府君

安人張氏

賜進士翰林院建寧府知府文二十六府君

誥封夫人柯氏 夫人王氏 夫人陳氏

文林郎玉山縣知縣文三十二府君

誥封孺人畢氏

顯祖考文四十一府君

安人章氏

陳氏

顯祖考行四府君

安人柳氏

顯祖考行五舍人

安人俞氏

顯祖考行七舍人

安人金氏

李氏


顯祖考行十舍人

安人單氏

顯祖考行十一舍人

安人黃氏

王氏



雙身符日 歷代名臣

顯祖考行十五舍人

安人周氏

單氏

顯祖考行二十四府君

安人呂氏

顯祖考行三十四舍人

安人杜氏

張氏

顯祖考行四十六茂才

顯祖妣貞節安人潘氏

徵仕郎河澗縣貳尹行五十七府君

顯祖妣孺人周氏

孺人陳氏

岳州倉大使行六十三府君

顯祖妣孺人吳氏

明勅建坊百歲翁鄉飲賓行六十七舍人

顯祖妣安人喬氏



顯祖考行七十八府君

安人嚴氏

顯祖考忠六府君

安人胡氏

顯祖考忠十府君

安人鄭氏

顯祖考忠十六茂才

顯祖妣貞節安人曹氏

顯祖考忠二十二府君

安人金氏

顯祖考忠二十五府君

安人嚴氏

顯祖考忠二十六府君

安人王氏

顯祖考忠二十九府君


安人羅氏

顯祖考忠三十二純孝公

安人鄭氏

七舉飲賓忠三十三府君

安人嚴氏



顯祖考忠五十府君

安人張氏

顯祖考忠六十五府君

安人張氏

鳳陽府儒學教授忠六十七府君

顯祖妣孺人樓氏

廸功郎宜興縣主簿忠七十三府君

顯祖妣孺人祝氏  
孺人丁氏

邑庠生忠七十九府君

安人李氏


偃城縣儒學訓導忠八十六府君

顯祖妣孺人戚氏

顯祖考忠九十三府君

安人張氏

明勅建坊百歲翁鄉飲賓忠一百廿六府君



顯祖妣安人孫氏

陳氏

季氏

顯祖考忠一百三十府君

安人杜氏

顯祖考信一府君

安人蔣氏

承德郎刑部貴州司主事信十封君

誥封夫人任氏 夫人陳氏

顯祖考信十二府君

安人畢氏

顯祖考信二十九府君

安人嚴氏

顯祖考敦孝信三十四府君

安人王氏


顯祖考信三十六府君

安人曹氏

顯祖考廬墓孝子信四十三府君

顯祖妣安人金氏

王氏



顯祖考信五十四府君

安人周氏

盧氏

顯祖考信六十八府君

安人李氏

顯祖考信九十四府君

安人陳氏

顯祖考信一百四府君

安人王氏

顯祖考信一百二十二府君

安人陳氏

顯祖考邑庠生信一百七十六府君

安人馬氏

顯祖考邑庠生信一百九十三府君

安人王氏

顯祖考信二百四府君

安人吳氏

顯祖考信二百五十三處士

顯祖妣貞節安人李氏

顯祖考元一府君

安人王氏

周氏



顯祖考邑廩生膺恩貢仕廉州知事元六府君

顯祖妣孺人盧氏

賜進士初授北京刑部貴州清吏司主事歷本部郎中陞江西

臨江府知府元十五府君

誥封夫人王氏

旌節夫人成氏

顯祖考元三十四府君

安人胡氏

顯祖考元三十六府君

顯祖考元四十六府君


安人李氏

顯祖考元四十八府君

安人盧氏

顯祖考元八十府君

安人單氏





顯祖考元一百十府君

安人何氏

盧氏

顯祖考元一百四十三府君

安人厲氏

顯祖考元一百五十八府君

安人趙氏

顯祖考元一百五十九府君

安人盧氏

顯祖考元一百七十府君

安人陳氏

顯祖考元一百七十七府君

安人盧氏

顯祖考元一百九十二府君

安人金氏

何氏

顯祖考元二百十五府君

顯祖考元二百五十三府君

安人王氏


陳氏

顯祖考元二百六十二府君

安人杜氏

顯祖考邑庠生元二百六十四府君

安人王氏



顯祖考元三百四府君

安人呂氏

顯祖考亨一府君

顯祖考邑廩生亨四十八府君

安人應氏

顯祖考亨六十府君

安人張氏

顯祖考亨六十二府君

安人盧氏

顯祖考亨六十六府君

顯祖考亨七十二府君

安人馬氏 樓氏

顯祖考亨九十府君

安人李氏

顯祖考亨九十六府君


安人周氏

顯祖考亨一百六十二府君

安人賈氏 樓氏

顯祖考亨一百九十九府君

安人呂氏



顯祖考亨二百十一府君  
安人盧氏

顯祖考亨二百三十一府君  
安人杜氏

顯祖考亨二百六十六府君  
安人孫氏

顯祖考亨二百八十九府君  
安人金氏

顯祖考亨二百九十七府君  
安人應氏

顯祖考淮安揚州鹽城縣伍佑場大使亨二百九十八府君


顯祖妣孺人程氏  
王氏

顯祖考亨三百二十七府君

顯祖考亨三百六十五府君  
安人任氏  
劉氏

顯祖考亨三百七十八處士

顯祖妣貞節安人何氏



顯祖考亨三百九十六府君

安人胡氏

顯祖考亨四百四十七府君

安人呂氏

顯祖考亨四百五十二府君

安人呂氏

顯祖考亨五百二十八處士

顯祖妣貞節安人孫氏

顯祖考邑庠生利一府君

安人吳氏

顯祖考利四十八府君

安人李氏

顯祖考利六十五府君

安人王氏

顯祖考利一百五十二府君

安人盧氏

顯祖考利一百七十八府君

安人趙氏

顯祖考邑庠生利一百八十府君



顯祖妣貞節安人李氏

顯祖考利一百八十九處士

顯祖妣貞節安人詹氏

顯祖考利一百九十八府君

明勅建坊旌孝利二百四十七府君

顯祖考利二百四十八府君

顯祖考利二百五十四府君

顯祖考利二百八十府君

徵仕郎南京蘇州府吳縣縣丞利三百二府君

顯祖妣孺人葉氏

顯祖考邑庠生利三百十五府君



顯祖考利三百二十四府君 安人吳氏

顯祖考利三百三十二府君 安人王氏

顯祖考利三百五十四府君 安人曹氏

顯祖考利三百九十七府君 安人杜氏

顯祖考利四百三十府君 安人王氏

顯祖考利四百五十二府君 安人呂氏

顯祖考貞五十四府君 安人張氏

顯祖考鄉飲賓貞一百三府君 安人何氏

顯祖考金營將軍貞一百四府君 孺人許氏 李氏

顯祖考貞一百二十府君 安人張氏

顯祖考邑庠生貞百三十四府君 安人邵氏



顯祖考貞一百四十四府君 安人金氏 黃氏

顯祖考貞一百四十六府君 安人葉氏

顯祖考貞一百六十八府君

顯祖妣安人蔣氏 孝婦安人張氏

顯祖考邑庠生貞百七十府君 安人樓氏 虞氏

顯祖考貞一百七十三府君 安人陳氏 陳氏


顯祖考貞一百七十五府君 安人李氏

顯祖考貞一百九十一府君 安人王氏

顯祖考邑庠生貞二百五府君 安人陳氏 陳氏

顯祖考貞二百七府君 安人吳氏

顯祖考江西南康府安義縣主簿轉陞廣東廣州衛經廳紀



錄通判貞二百十四府君

孺人吳氏

顯祖考庠生貞二百二十六府君

顯祖考邑庠生貞二百三十一府君 安人呂氏

顯祖考邑廩生貞二百六十三府君 安人杜氏 金氏

顯祖考貞二百七十府君 安人金氏

顯祖考貞二百七十七府君 安人杜氏


顯祖考貞二百七十八府君 安人潘氏

顯祖考貞三百四十府君 安人盧氏

顯祖考貢生貞三百四十四府君 安人樓氏

顯祖考貞三百四十七府君 安人斯氏

顯祖考貞三百五十府君 安人朱氏





顯祖考邑庠生貞四百十府君 安人周氏 陳氏

顯祖考邑庠生貞四百十三府君 安人李氏

顯祖考貞四百二十三府君 安人王氏 金氏 趙氏

顯祖考貞四百四十一府君 安人樓氏

顯祖考貞四百六十二府君 安人張氏

顯祖考貞四百六十三府君 安人金氏


顯祖考貞四百六十六府君 安人蔣氏

顯祖考貞五百三府君 安人呂氏 余氏

顯祖考貞五百十六府君 安人孫氏

顯祖考邑庠生純七十七府君 安人李氏 李氏

顯祖考純一百二府君 安人李氏



顯祖考純一百二十六府君

安人趙氏

顯祖考純一百六十六府君

安人蔣氏

盧氏

顯祖考邑庠生純百九十一府君

安人樓氏

顯祖考邑庠生純百九十八府君

安人斯氏

顯祖考貢生純二百府君

安人吳氏

顯祖考純二百十府君

安人盧氏

顯祖考純二百四十一府君

安人盧氏

顯祖考邑庠生純二百五十九府君

安人蔡氏

顯祖考純二百七十七府君

安人虞氏

顯祖考純二百九十六府君

安人胡氏

顯祖考邑庠生純二百九十八府君

安人趙氏

顯祖考純三百十八府君  
安人范氏

顯祖考純三百六十府君  
安人王氏

顯祖考純三百六十三府君  
安人王氏

顯祖考純四百六十一府君  
安人朱氏  
杜氏

顯祖考純五百二十一府君  
安人蔣氏

顯祖考純六百四十四府君  
安人呂氏  
單氏


顯祖考良二十九府君  
安人賈氏  
劉氏

顯祖考良八十八府君  
安人張氏  
胡氏

顯祖考良九十五朝奉十一府君  
安人王氏

顯祖考邑庠生良百二十九府君  
安人金氏

顯祖考良一百三十三府君  
安人呂氏



顯祖考良一百三十八府君

安人王氏

邑廩膳生廸功郎耆英良百五十八府君 安人張氏金氏

顯祖考直隸真定府郵政廳良百九十七府君

顯祖妣孺人施氏

顯祖考良二百九府君

安人蔡氏

顯祖考良二百十六府君

安人王氏 何氏

顯祖考例授忠翊校尉良二百廿六宣教人宜人陳氏

顯祖考良二百八十一府君

安人陸氏

顯祖考良二百九十朝奉

安人蔡氏

顯祖考良三百二府君

安人吳氏 張氏

顯祖考良三百四府君

安人許氏

顯祖考良三百九十九府君

安人吳氏

顯祖考良四百六府君

安人吳氏

顯祖考良四百十五宣教

顯祖妣節婦安人吳氏

顯祖考良四百十九府君

安人盧氏

顯祖考良四百二十六府君

安人孫氏

顯祖考良四百三十三府君

安人許氏

顯祖考良四百三十七宣教

安人吳氏

顯祖考庠生良四百三十八府君


安人吳氏

顯祖考良四百八十四宣教

安人周氏

顯祖考良五百四府君

安人斯氏



顯祖考良五百四十三朝奉

顯祖考良六百七朝奉

安人胡氏

顯祖考良六百三十二朝奉

顯祖考恭九十八府君

安人王氏

盧氏 陳氏

顯祖考恭二百二十三府君

安人盧氏

顯祖考恭一百四十七府君

安人倪氏

盧氏

顯祖考翰林院檢討恭一百七十四封君

顯祖妣誥封恭人賈氏 胡氏

顯祖考恭一百八十四茂才

安人許氏

顯祖考恭二百八府君

顯祖考恭二百十七府君



顯祖考恭二百二十六府君

安人王氏

顯祖考恭二百三十一府君

安人周氏

顯祖考恭二百四十四府君

安人呂氏

顯祖考恭二百五十八府君

安人李氏

顯祖考恭二百六十二府君

安人王氏

顯祖考恭二百八十府君

安人俞氏

顯祖考恭二百九十二府君

安人盧氏

顯祖考鄉飲賓恭二百九十六府君

安人楊氏

顯祖考候選州同恭二百九十九府君

孺人盧氏 王氏

顯祖考恭三百八府君

安人杜氏 馬氏

顯祖考庠生恭三百十八府君

安人王氏 張氏



顯祖考恭三百二十二府君

安人楊氏

顯祖考恭三百三十二府君

安人周氏

顯祖考恭三百五十四府君

安人陳氏

顯祖考恭三百七十四朝奉

顯祖考恭三百八十九府君

安人虞氏

顯祖考待贈登仕郎恭四百五府君

安人吳氏

顯祖考恭四百十三府君

安人金氏

顯祖考恭四百十四府君

安人郭氏

顯祖考恭四百十七府君


安人盧氏 王氏

顯祖考恭四百十八茂才

安人斯氏

顯祖考恭五百八十九朝奉

安人張氏





顯祖考恭五百九十八府君

安人何氏

顯祖考恭六百十五府君

安人吳氏

顯祖考恭六百三十府君

安人張氏

顯祖考恭六百三十七茂才

安人李氏

顯祖考恭七百二十府君

安人李氏

顯祖考恭七百五十二府君

安人吳氏

顯祖考恭八百七十九府君

安人朱氏

顯祖考恭九百十九府君

安人盧氏

顯祖考恭一千五十二府君


安人許氏

敬一百六十六府君

安人吳氏 傅氏

清勅翰林院檢討敬二百府君

安人林氏



飲賓敬二百十六府君

安人周氏

黃氏

敬二百三十一府君

安人張氏

敬二百四十七府君

安人余氏

敬二百六十四府君

安人應氏

敬三百十六府君

敬三百三十九府君

安人陳氏

敬三百五十府君

安人施氏

敬三百六十府君

安人王氏

敬三百七十二府君

誥贈修職郎敬四百四十二封君 恭人何氏 張氏

敬四百六十二府君

安人華氏

敬四百七十九府君

安人張氏

禮生敬四百八十四府君

安人樓氏

趙氏  
顧氏

敬四百九十九府君

敬五百六十一府君

安人盧氏  
王氏

敬六百三十府君

敬六百八十一府君

安人金氏  
張氏

敬六百九十六府君

安人楊氏

敬七百府君


安人陳氏  
趙氏  
樓氏

敬七百十五府君

安人李氏

敬七百五十七茂才

敬七百五十九茂才



例授修職郎候選儒學敬九百七十一府君

孺人沈氏

敬九百八十九府君

安人李氏

敬重一千七十七府君

安人俞氏

太學生敬一千三百四十六府君

安人金氏

盧氏

俊六十三朝奉

安人郭氏

俊一百十四府君

安人盧氏

俊一百六十七宣教

俊一百六十八府君

安人周氏

俊二百府君

安人金氏

吳氏

俊二百二十三府君

安人許氏

俊二百九十八朝奉

旌節建坊安人周氏

俊三百十二府君

安人盧氏

俊三百十九府君

安人吳氏

邑庠生俊三百二十六府君

安人吳氏

俊三百七十四府君

安人張氏

俊五百三十一府君

安人王氏

文林郎授嚴州府遂安縣教諭俊五百四十四府君

孺人趙氏 單氏 周氏 周氏

俊六百五十二府君

安人盧氏

俊六百九十四府君


安人金氏 王氏

俊七百四十三府君

安人李氏 趙氏

俊八百八十八朝奉

安人趙氏



俊一千一百四十府君

安人程氏

傑三十九府君

安人何氏

飲賓傑百八十一府君

安人虞氏

太學生傑一百八十五府君

安人虞氏 汪氏

太學生傑二百二十一府君

安人張氏

傑二百五十五茂才

旌節建坊安人許氏

傑二百六十六茂才


傑三百四十一茂才

傑三百七十一茂才

節婦安人李氏

傑四百四十九茂才

傑五百七十八茂才



傑七百六十八府君

安人李氏

傑一千五十一府君

安人盧氏

傑一千二百九十一府君

安人盧氏

廸功郎英七府君

安人金氏

英十六茂才

安人陳氏

英一百六十四府君

安人盧氏 虞氏



春秋兩節祭文

木本水源人思遺澤蘋香藻潔禮重明禋恭惟我

始祖考妣東海傳家北隅聚族緬孫謀之深固燕翼畱貽趁皇路


以馳驅鴻遠振奮以茲積累蔚為家聲代有馨香羞惟蠲潔

茲當春仲之令秋雨露既濡牲牲告備榆槐而改柞櫓火節屆清明

瞻桑梓之餘風情生恭敬伏祈昭格永監微忱

尚

饗





雙身後日... 卷之二  
三  
先代助款歷年久遠原委未識難以臆見登載惟查

嘉慶庚辰起至道光丁未止各房所助產業錢文備錄于

此

磚門長派大昌 嘉慶二十年助田二坵共廿秤遞年納稍

錢三千四百文 人主二座 給胙三桌

磚門長派人禮 助田廿七秤又地二秤 人主十座 給

胙四桌

御史四派國培 助樓屋一間弄堂半間坐支分祠東邊其

弄堂樓下通路出入遞年納賃錢一千文 人主三對

給胙一桌

御史四派人璋 嘉慶廿五年建造寢室助錢三百千文公

議人璋之父俊二百廿三公及妣許氏主一對入正室西  
四神座春秋二節特設祭桌一席以祭俊二百廿三公俾  
其子孫拜散旋因譜費虧欠至道光五年又助錢三百千  
文公議入主二對并入西四神座春秋享祭外房不得侵  
入前後二助無論開祭減祭之年八人拜散惟開祭之年  
春祭另給胙一桌

御史四派人義 助園地一片坐在廟西八主二座給胙一  
桌此地道光廿三年間修祠出便于大英分

御史四派兆男敬六百三十公 助平屋二間廟內串堂西  
邊配祠享祭給胙一桌

磚門長派大經 助田二十秤八主六對 給胙一桌

御史四派大柄 嘉慶廿五年助錢廿一千文八至十一座

給胙一桌

磚門二派正鵬 嘉慶廿五年助錢四千二百文八至十一對

給胙半桌

御史三派正智 嘉慶廿五年助錢四千二百文八至十一對

給胙半桌

石鼓派正滿 道光廿六年助田三秤遞年納稍錢三百

文八至六座 給胙肉十二兩

磚門二派華懋 道光廿六年十二都金桂亭常助田十一

秤八至六座 給胙一棹

磚門二派大英 道光廿六年間 田八秤係外甥張朱富

助入主三座 給胙一桌

御史四派士照 道光廿四年九月助錢一百千文議許正

室東四神座入主三對外房不得侵入春秋二節另設一

席致祭開祭八人拜散減祭四人拜散惟開祭之年春祭

另給胙一桌

磚門二派大昌學勤 道光廿六年合助錢 百千文議許正室

西五神座入主四對外房不得侵入春秋二節另設一席

致祭開祭八人拜散減祭四人拜散惟開祭之年春祭另

給胙一桌

御史四派長二百二十九 道光廿七年祠西助平屋一間坐南朝北

給胙一桌

御史四派 恭三百七十四 道光廿七年祠西平屋二間坐西朝東內

一間給胙半桌內常買八一間西平屋


御史四派 恭四百十四 道光廿七年祠西助平屋一間坐南朝北

又併西邊餘基一塊給胙一桌

長壽堂一桌

房頭

六祭六桌



助桌載左

蔡外甥一桌

石鼓嶺一桌

應家一桌

御史三派

恭二百九十六公一桌

恭三百十八公一桌

恭三百廿二公半桌

敬六百九十六公半桌

敬九百八十九公半桌

俊三百十二公一桌



俊三百廿六公一桌

御史四派八十六公半桌

良八十八公半桌半桌

良二百廿九公一桌

恭三百七十四公半桌

恭四百十四公一桌

恭五百八十九公一桌

敬二百六十四公一桌

敬二百九十二公半桌

敬三百七十二公一桌

敬六百三十公一桌



敬七百五十七公一桌

俊百十四公一桌

俊百六十七公一桌

俊二百公半桌

俊二百廿三公一桌

俊二百六十五公一桌

俊三百十九  
傑五百七十六公一桌

傑三十九公一桌

御史七派

亨三百六十五公一桌

貞四百六十三公半桌





恭一千五十二公一桌

磚門長派 六十五公一桌

元十五公一桌

利二百四十七孝子公一桌

貞一百二十公一桌

貞二百廿六公一桌


恭二百八十公一桌

敬三百五十公一桌

敬三百六十公三桌

俊八百八十八公一桌

傑一百八十五公四桌



傑二百六十六公一桌

磚門二派

徐家信五十公一桌

良二百十六公半桌

恭八百七十九  
傑一百八十一公一桌

恭九百十九公半桌


敬三百廿九公半桌

敬五百六十一公一桌

敬六百八十六  
傑六百九十四公一桌

敬重一千七十七公一桌

俊六十三公一桌



俊六百五十二公半桌

傑三百四十六公半桌

磚門三派

良二百七公一桌一桌

良二百九公一桌一桌

以上每桌雞鵝羊肉四色共熟物常秤面上四十兩

酒二壺桌饅首六個大葉粿十二塊

飯八十兩桌秋祭不給

良二百六十六公一桌

磚門三派

良二百六十六公一桌



卷一百八十五

蘇門答

翁

卷一百六十一


卷一百六十二

卷一百六十三

蘇門答

蘇門答

蘇門答



計給生胙

石鼓派

給生胙十二兩

御史四派

忠三十二公

給生胙三十兩

良三百九十九公

給生胙廿四兩

敬一百六十一公

給生胙十六兩

徐氏


給生胙十二兩

磚門長派

無輪停祭開祭給發

俊一百八十五公

生胙二斤饅首六個青粿十二塊



春秋二節禮生胙肉

主祭 給生胙廿四兩 通贊 給生胙十二兩

引贊 給生胙十二兩 東讀祝 給生胙各十一兩

寫祝文 給生胙廿四兩 寫對聯 給生胙廿四兩

生員 監生 每名給生胙三十六兩

鄉飲首份生 吏員 每名給生胙十六兩


考職吏員 給生胙廿四兩 廩生加十六兩

貢士 舉人 進士 出仕 每級加四十兩

貞女 節婦 旌表後 各給生胙一斤 壽終即免

春祭散式

房頭三桌 每祭四人 老人 七十為率



御史 三派 忠六十五公一桌 六人拜散

碑門 恭八百七十九 公一桌 大昌 分 開祭八人拜散 減祭四人拜散

御史 四派 傑一百八十一 公一桌 學勤 分 無論開祭減祭八人拜散

傑三十九公一桌 士照分 開祭八人拜散 減祭四人拜散

每桌雞鵝羊肉肝五色計重七十五兩 酒每桌一壺

饅首每人一個 大葉粿每人二塊 煑腐一碗 拌菜二色


族長二桌 禮生五桌 另加魚一碗 煑肉一碗

其餘熟物照前 酒不拘

秋祭福物每桌四十兩 拌菜二色 煑戶一碗

曼首每人一個 月餅每人二個

春秋給賞吹手一桌



輪祭次序

第一祭 瑞竹派

第二祭 燕山派

第三祭 磚門長派

第四祭 磚門二派

第五祭 御史長三派


第六祭 御史<sup>四</sup>七派

春秋祭桌設在正室位次

始祖考妣 正室中席

隆一公 左第一席

隆二公 右第一席





文十五公 左第二席

文廿六公 右第二席

文三十二公 左第三席

忠六十五公 右第三席

設在正寢位次

忠八十六公 左第一席

元十五公 右第一席

昭考 左第二席

穆考 右第二席

歷代乏嗣祖考妣 左第三席

東海郡歷代庶母 右第三席



各助祭

左第四席

右第四席

恭八百七十九  
傑一百八十一公

左第五席

俊二百二十三公

右第五席

傑二十九公

左第六席

以上共十八席值祭衆孫於祭期前一日陳設各宜整

齊明潔以昭誠敬 丙午誌





僉憲公祠歷代饗祭實錄

明勅奉政大夫智一封君

誥封周氏夫人 陳氏夫人

明勅四川道監察御史文十五府君

誥封鄭氏恭人 周氏恭人 孫氏恭人

顯祖考行五舍人

顯祖妣俞氏安人

顯祖考行七舍人

顯祖妣金氏安人 李氏安人

顯祖考行十舍人

顯祖妣單氏安人



雙身後氏宗譜卷之一  
顯祖考行十一舍人

顯祖妣黃氏安人 王氏安人

顯祖考行十五舍人

顯祖妣周氏安人 單氏安人

顯祖考行三十四舍人

顯祖妣杜氏安人 張氏安人


明勅建坊百歲翁鄉飲大賓行六十七舍人

顯祖妣喬氏安人

顯祖考忠四府君

顯祖妣何氏安人

顯祖考忠十府君



顯祖妣鄭氏安人

顯祖考忠二十府君

安人吳氏

顯祖考忠廿五府君

安人嚴氏

純孝忠三十二府君

安人鄭氏

七舉飲賓忠三十三府君

安人嚴氏

顯祖考忠六十五府君

安人張氏

顯祖考信三十三府君

安人李氏

敦孝信三十四府君

安人王氏

顯祖考信五十四府君

安人周氏


盧氏

顯祖考信六十二府君

安人樓氏

顯祖考信七十三府君

安人陳氏



顯祖考信九十五府君

安人王氏

顯祖考元四十六府君

安人李氏

顯祖考元六十二府君

安人許氏

顯祖考元八十二府君

安人俞氏

顯祖考元九十五府君

安人何氏

顯祖考元一百一十府君

安人朱氏

顯祖考元一百一十三府君

安人盧氏

顯祖考元一百一十六府君

安人樓氏

顯祖考元一百一十九府君


安人李氏

顯祖考元一百二十二府君

安人盧氏

顯祖考元一百二十五府君

安人盧氏



顯祖考亨二百七十三府君 安人吳氏

誥贈修職郎亨二百八十九府君

誥贈金氏孺人

顯祖考亨三百六十五府君 安人任氏 劉氏

顯祖考利六十五府君 安人王氏

顯祖考利一百五十二府君 安人盧氏


顯祖考利一百九十八府君 安人周氏

顯祖考利二百十八府君 安人李氏 金氏 楊氏

徵仕郎南京蘓州府吳縣縣丞利三百二府君

誥贈葉氏孺人

顯祖考鄉飲賓利三百九十七府君 安人杜氏





顯祖考鄉飲賓貞一百三府君 安人何氏

顯祖考貞一百二十六府君 安人李氏 吳氏

顯祖考邑庠生貞二百五府君 安人陳氏 陳氏

顯祖考貞二百三十六府君 安人樓氏

顯祖考貞二百七十七府君 安人杜氏

顯祖考貞三百四十七府君 安人斯氏

顯祖考貞四百十四府君 安人俞氏 呂氏

顯祖考貞四百四十一府君 安人樓氏

顯祖考建祠貞五百三府君 安人呂氏

顯祖考建祠純二百二十三府君 安人吳氏

顯祖考純二百四十一府君 安人盧氏



顯祖考純重二百五十一府君 安人杜氏

顯祖考純四百四十六府君 安人呂氏

顯祖考邑庠生純五百八十八府君 安人俞氏

顯祖考純六百八府君 安人蔡氏

顯祖考良一百三十六府君 安人朱氏

顯祖考良一百七十六府君 安人金氏


直隸真定縣縣丞良一百九十七府君

誥贈施氏孺人

顯祖考良重三百二十三府君 安人金氏

顯祖考良六百五十九府君

顯祖妣節婦王安氏安人



廸功郎良七百五十二府君 安人韋氏 周氏

恭一百八十六府君 安人王氏 王氏

恭一百九十六府君 安人邵氏

恭重二百七十六府君 安人劉氏

恭六百六府君 安人李氏

鄉飲賓恭七百七十八府君 安人周氏


鄉飲賓恭七百八十一府君 安人呂氏 何氏

恭九百九十六府君 安人俞氏

敬四十府君 安人郭氏

敬一百六十一府君 安人趙氏

敬一百八十三府君 安人洪氏



清勅翰林檢討敬二百府君 恭人吳氏 傅氏

敬三百四十四府君 安人韋氏

敬五百二十九府君

鄉飲賓敬六百二十六府君 安人張氏

敬九百二十一府君 安人張氏

敬一千七十二府君 安人郭氏

例授登仕郎敬一千七十三府君 安人黃氏

敬一千四百六十八 安人石氏

俊二十八府君 安人杜氏

俊四十四府君 安人吳氏 蔡氏

鄉飲賓俊一百五十七府君 安人呂氏



鄉飲賓俊二百二十三府君 安人許氏

鄉飲賓俊二百四十九府君 安人洪氏

俊重三百七府君 安人張氏

俊三百七十二府君 安人張氏

俊四百五府君 安人吳氏

俊四百二十三府君 安人呂氏


俊四百九十六府君 安人許氏

節婦杜氏安人

鄉飲賓俊四百九十七府君 安人王氏

俊五百五十府君 安人何氏

俊六百七十五府君 安人蔣氏



俊八百六十二府君

安人王氏

吳氏

俊八百七十一宣教

俊九百七十三府君

俊一千一百四十八朝奉

俊一千二百二朝奉

傑三十五府君

安人陳氏

胡氏

傑三十九府君

安人何氏

太學生傑九十六府君

安人王氏

太學生傑一百十四府君

安人王氏

傑一百四十四府君

安人趙氏

陸氏

太學生傑一百五十二府君

安人康氏



太學生傑一百六十府君

安人洪氏

傑一百六十六府君

安人虞氏

傑二百七十三府君

安人呂氏

傑三百十八府君

安人呂氏

傑三百八十六府君

安人盧氏

傑四百五十五茂才

安人王氏

傑四百七十六府君

安人金氏

傑四百九十五府君

安人張氏

傑五百七府君

安人朱氏


傑五百十府君

李氏

杜氏

傑五百三十四府君

安人呂氏



傑六百三十府君

安人石氏

邑庠生傑六百四十府君

安人王氏

傑六百四十九府君

安人韋氏

傑六百八十四府君

安人樓氏

樓氏 馬氏

傑七百二十四茂才

安人陳氏

傑七百八十八府君

安人范氏

傑八百四十三茂才

傑八百四十五茂才

安人呂氏

廸功郎英七府君

安人金氏

英十六府君

安人陳氏

英十七府君

安人盧氏





太學生英六十四府君

安人李氏

英九十七府君

安人任氏

英一百五十一府君

安人趙氏

英一百六十六府君

安人樓氏

郡庠生英一百八十六府君

安人盧氏

英二百四十四府君

安人王氏

英二百五十九茂才

安人鄭氏

偉十府君

安人金氏

英六百四十六府君


安人章氏

邑舉生英六百四十四府君

安人許氏

英六百三十三府君

安人許氏



助桌載左

三長房

亭二百三  
敬千七十三 公合一桌

敬四十公半桌

俊四十四公一桌

同次房


忠二十五公一桌

俊四百五公一桌

良一百三十六公三名

三房

忠十四公一桌



忠 二十六十五 公一桌

信 三十三四 公一桌

元一 俊 四十九十六 公一桌

元 四十六 貞三 百 四十七 公一桌

貞二百三十六公一桌

同 一桌

貞二七十七公一桌

敬六百二十六公一桌

四房 合一桌

忠三十二公一桌

忠三十三公一桌



元六十二公一桌

亨二百八十九公一桌

利六十五公一桌

貞四  
恭七百七十四公一桌

恭一百九十六公一桌

敬一百八十三公一桌

又二名


敬九百二十六公一桌

傑九十六公一桌

傑三十九公一桌

傑一百四十四公一桌

傑一百六十公一桌



七房

元二百七十三公一桌

利三百九十七公半桌

貞四百四十一公一桌

純六百八公一

恭九百九十六公半桌


敬一千七十一公半桌

俊三百七十二公一桌

俊四百二十三公一桌

俊四百九十七公一桌

俊五百五十公一桌



以上助祭每桌入主三對其胙桌照簿給領



以上諸君均係人王三提其執其與與與與與



立議約理事孫明元正葵君一燦文人統景文等因雙泉宗  
祠自明迄今歲久樹木朽腐牆壁毀壞今有御史四派孫人  
璋來祠續修宗譜公議舉其管理祠內譜政出入用帳因祠  
宇傾圯日擊心警會集族衆愿出已資虔加修葺以本祠正  
寢爲歷年奉祭之廳以正寢後正室五間修理整飭爲藏主  
之室正室兩廡爲六祭助祠給胙藏主之室其工費約佑至  
三百千爲度獨任修理本祠理事嘉其義舉議許人璋之父  
俊二百廿三公及妣許氏奉主入正室西三神座設立神位  
春秋二祭永從始創家乘始建家廟二公永遠致祭更於正  
寢祭事特設祭桌一席以祭俊二百廿三公俾其子孫永遠  
拜散以示優酬鼓勵之意其工程始事于嘉慶廿五年九月



議以道光元年工竣之日奉主入座自議之后人璋母得草  
率完工本祠衆孫母得異議資說立下議約二紙各執爲照  
約內正室西三神座其三字實係四字

始祖妣正室外東三座西三座係六祭六座定位

粹儒 人統 人

君一 景文 人皞

明元 聖功 學賢

正葵 大豫

皓士 人珍

執筆燦文俱押

嘉慶廿五年十月

日立

立議據六祭理事人正葵等緣大祠於嘉慶廿五年間修葺家廟宗譜建造後寢并造火屋等項即將常田地計祖二百四十九秤出典于御史公派下人璋邊管業計價五百六十七千文足近因常田攸關糧祭難以久典爲此合祠會集面向人璋喃議保祀扶常之法衆人璋慨然樂助已資三百千文即將受典田價扣收三百千文作爲取贖之錢卽本年稍錢租穀亦歸大祠收管其未回贖典價二百六十七千文面議將楓樹下石塘下嚴徐租穀在城稍賃隨收隨付三年內增數三百千文足作爲取贖之錢兩無異議至祠內受助三百千文合族公議立龕一堂供奉神主三對春秋二節另設一席享祭給胙以酬報本之至意如有外房助祠者不得侵

入璋分龕內爲此面立議據永遠存照

大馨 大經 士照

大震 大智 朝選

正鎔 大榮 人寬

正葵 大緯 人桐

道光五年二月 日立 君一 大梧 大梓


正理 大獻 大立

正信 大明 人塘

大鼎 大烈 學賢

大慶 大彙 學桃

執筆人珍俱押



文二十六公璧公名賢翰墨  
各賢翰墨序  
世有以金玉爲寶而不以文章爲寶者有一以文章爲寶而  
深於雕飾者具非的見也余  
祖諱玉字公璧蚤孤而好學太夫人俞氏又有義方之教遊  
泮庠年二十有二領永樂癸未鄉薦明年登進士第由庶吉  
士而宰涇邑考最甫三年乃陞廣東涯之知州事恭遇  
太宗文皇帝詔求遺賢不越歲廣之藩閩大臣同薦於  
朝遂陞交趾之鎮蠻守厯星霜者凡七撫宇勤勞邊陲向化  
既而復遇

宣宗昭皇帝嗣登大寶誕加恩寵進階移守建寧先後歷官三宰

雙身後日... 卷之...  
郡邑在涯有去思之碑在建有父老拜留之畧有丹山禱雨  
之集與凡表請分祿孝養俱至其行實紀載於金華賢達傳  
者卓已著餘固不待錄矣不知古有片言隻善尚沒齒書  
紳不忘况多於片言隻善者乎如鄉之故交郡之達官家之  
親舊貴而朝之縉紳賤而治之民庶遠近見聞若規諫若褒  
善若美德其交焉以道接焉以禮以故形諸書札歌頌瑯然  
金玉烜然月露連編累牘類皆道誼忠赤又不容於泯絕也  
余自蚤歲卽嘗竊覩無慮千百既而家祚中衰人情洵已子  
立熒已靡所依怙及檢而拾之十已亡其八九於戲人生成  
形於父祖則氣之始也祖有是心而父繼之父有是心而子  
承之吾父此心良已久矣奈何倥偬未寧而倏已卽世余乃

俯而思之往者不可追及來者容或可勉使不衰聚成帙幾  
何不淪於土龍芻筍者乎宏治壬子余竊食蓮塘母舅家塾  
慨斯志之不售者數四舅氏諱季勝者乃擊節爲之嘆曰此  
孝子慈孫繼述之大者耳矧可逡巡而不加之意乎於以搜  
集凡得數十餘帖類爲一卷遍曰名賢翰墨一以庶幾乎  
祖父之心一以不泯士夫之善抑又以見乎世之不以文章  
爲寶而以金玉爲寶者殆亦各有見焉雖然余弗克肖以寶  
金玉而詩禮清白竊欲俛焉以繩其一二而此帙之作豈曰  
誇耀而已哉直欲使先正之手筆先人之用心不爲土龍芻  
筍焉耳於戲所以成此帙者伊誰心卽祖父之心也成則舅  
氏之功也所謂繼志述事則又望於繩匕後嗣之賢也余不

雙身後日... 名之...  
自鄙而敘其實識者躋之衆人嗤焉

宏治壬子四月朔旦嗣孫源識

各賢翰墨跋

人生天地間稱有後者殆非多子姓之謂也以其克承厥志而彰祖父之善於不墜焉耳東陽先哲徐先生登永樂甲申進士第由庶吉士爲涇邑令既而出守涯州未幾

太宗文皇帝念交趾邊氓未沾王化急求賢以撫綏之時藩臬大臣咸以先生薦

上俞允以是地托而寄之鎮蠻向化一掃夷習而歸中萃先生受知於

上進階建寧郡守越歷三任仁聲善政洋溢中外在在在人皆翕然



蓋與龔黃卓魯不多讓也一時縉紳士夫或仰其德澤或資其政治得與交接者爲榮幸走書劄獻詩賦動積如山然不有賢子孫以傳之抑孰知先生之感各賢而各賢之仰先生者有如是哉先生繼有賢孫諱源者學行超卓授鳳陽府學貳教余與之居同鄉宦同郡一日出示各賢書跡不下百餘首編成手卷其遺亡者又不知其幾何也余覩各賢之墨先生去今數十餘年然而英聲茂績昭昭在人耳目者猶昨也非先生之積德無以生賢孫非賢孫之繼述又何以彰先生之令德哉使徐氏子孫以世繼世以賢紹賢寶而藏之雖百世不磨也先生仁人也後必有賢子孫登甲第繩祖武柄用

明時膺



紫誥之褒封大有光於先生者矣世稱有後者以徐爲首余敢

不起敬而樂爲之書且有俟云

宏治十三年歲在庚申仲冬吉日通判亳州天台鄉友魯諤

公書

榮端肅奉復

太守公相徐先生

閣下

去秋獲瞻


風度欣慰無量奈以匆冗多失趨陪違別以來益增

嚮慕每有自建來者輒審

台候廸吉政譽日新深爲吾郡得人之慶區區叨膺重任未

克效報賴

庇粗安母足爲道邇承



萃翰莊誦如覲又以僕初度之期既以

盛禮感荷

厚意疇克以當今因良便特奉尺楮恭布謝忱辰下隆寒惟冀若時

調攝以膺

福祉不宣


宣德五年十二月廿八日辱知楊榮端肅奉復

辱知黃仲芳端肅奉書

郡侯徐老大人閣下伏自拜違

顏範倭經許月仰間使至備詢

閣下德政維新吏民懷惠欣慰欣慰又蒙



示及雲翰并黃氏日抄十七史杜氏通點涓吉成  
書其

賜與甚大何以克當何以克當但慚鄙質鈍愚

莫能徧覽良負

美意有愧過多今因翔便特具空楮以代

謝忱即辰降暑惟冀

順時珍重爲

國安民不宣

六月一日辱知黃仲芳再拜

用中端肅奉書

太守相公宗兄閣下嚮在交趾辱以



同宗同淵之故蒙

眷待極隆感激于懷不可云喻別後倏經十載無日不奉思

區區回至

北京幸獲放歸田里喜聞

榮任近在建寧衰老之蹤莫能趨

侯惟瞻仰敬慕而已茲因鄉友周知縣赴官屬邑之便借奉  
尺書聊表感著之私併申問

候之敬

雲泥異路謁

見未由拱俟

秩滿政成陞任

大藩以副吾屬之望不備

宗末徐用中端肅奉書

雲天鄭楷端肅奉書

太守相公尊鄉丈閣下

區區老年致政田里獲與

執事忝同鄉郡而未遂申問

荆識

山斗之瞻曠日滋久向會舍親洪判簿相公伏聞

執事出守大郡田里喜聞

仁化被于甌民

惠政施於郡邑謳歌載道

令譽遐傳凡在同鄉歆艷無已茲有少



瀆仰干

聽司舍弟叔端嘗采  
朝野詩文編爲文纂以彰

盛世斯文之美荷蒙  
洪判簿許之刊印以廣其傳喜聞書

坊係干

屬邑萬乞

執事以斯文爲念

賜以鼎言屬之本邑令宰俾得促其早完以成美事非惟

區區之幸亦

朝野斯文之幸矣

二府相公聞亦



身後日... 鄉丈不另具書亦望

鼎言之賜至懇至願

黃堂政餘伏惟

順時調攝為以膺

顯擢不宣

三月初十日鄉末鄭楷端肅奉書


鄭柏附此申拳申拳再四意

茲者恭審

春一回氣

壽介五旬黍在同僚莫伸賀意聊成近體敬祝長生伏

希



笑擲幸甚

太守徐侯寅兄公相

關下

偉哉崧嶽曉降神  
孕竒毓秀生甫申  
蕃屏周室布德澤  
至今詩傳高其人  
金華自是古名郡  
寶婺鍾英足輝映  
舒公詞賦夸後賢  
東萊道學繼前聖

徐公生來同此鄉  
溫然氣質如圭璋  
姓名早見登金榜  
百里爲侯政績揚  
荐承薦剡擢州正  
敷政優仁存簡敬  
海島疲癯沐化深  
民安盜息形歌詠  
再承

上命陞郡堂南交  
撫洽俱遐荒承流  
宣化盡斯職雕題  
卉服皆來降建州  
况復儒風地碧水  
丹山多秀萃文公  
過化習俗淳守  
郡應須才德備  
遠乘五馬來芝城  
朱旛皂蓋蒙



恩榮作新經理尚文教三年報政稱廉平公餘隙地崇萃構萱

壽各堂心獨厚恪共子職迎親養爛斑戲綵春當晝嗟匕孝

行誰與倫

皇天佑德無私親由來有德斯有壽喜逢華旦于今晨長庚燭匕  
光南極海上蟠桃初結實仲尼知命在斯年蘧瑗識非逢此  
日我公正值半百年平生忠孝能兼全龐眉鶴髮輝堂北蘭  
孫桂子森階前願予有幸叨寮案每藉包涵深似海願言上  
壽期等倫甫申事業專相待

僚末南城姚


聞通拜賀

契生程蕃端肅奉書

璧齋太守相公

閣下

壽書



惠銘感難忘且喜

萱堂納福

公候清嘉深慰下想

區區賴

庇苟安無足

貽念第恨老景相侵殊無寸補爲可愧耳每想

黃堂夜語尊酒傾倒此情未嘗不形於夢寐想來秋或可再

也有周克敬氏予之故人近聞任

閩藩或經過建中會間

望叱各道意叔霖三月間回擬出月朔入於閩就

知之小

徐到此近方得回欲稍留之而歸心甚速行便專此少致謝

忱良晤未期萬冀

順時加愛以膺



殊祉不具備

四月十八日契生程

著

端肅奉書

契生程

著

端肅奉書

太守老相公

閣下

自東陽一別不覺許時思感之心雖

常在念而道路云遠其如會

面何人來每聞

政教有方動止多福深慰鄙望小兒去歲多沐

玉成周旋顧盼靡所不至此情此

德何日敢忘

區區

去秋七月起程蒙

藩府款留九月十三

方離杭十一月初抵

京因怯寒一冬未出今春三月考過賴



庇俱各如意想除授只在五月間所累者小兒嬌養失教遠  
別一年不知信息未免惱懷望以薄面之故乞加

照顧則始終感惠不淺也茲因便風專此少寓謝意良晤有  
期惟冀

順序加愛自重不具備

宣德辛亥夏五端陽日

契生程

蕃

端肅奉書

親末

士英

端恪奉書

太守公相翰學尊親丈

閣下

別來僅三載仰慕惟深歲裏

會鄉兒孫貳守及往來人詢知

執事政事日新民安四業在

京卿相多聞政績喜不自勝為吾鄉里足有耿光也欣羨欣

雙身後日... 卷之...  
羨近承附 方通守從人惠書足見

相愛之深感激良多未遑修謝外 希常良友改任六安不

幸在金陵於七月初五日得疾在沈子翁家故實爲可傷可

悼失此一良友矣專此報知才得陳綉衣維持送之以禮柩

棺已歸經從瓜洲小子臨哭不勝今因 公相同年小子僚

友劉運同永賢族兄劉以賢便特奉素楮以伸問 安之敬

小敘濶別之懷惟冀 順序白玉不具備


孫貳守不另奉乞聲叱爲幸

中秋日 士英 再拜

里生夏時端肅奉書

鄉尊太守相公 閣下

向在南交識



荆重辱以鄉里見款且承 遠餞感亡未已間濶來屈指又  
經一紀每於 貴里宦遊諸公未嘗不稱道

盛德日來恭惟

黃堂容與

神相忠勤

尊候體履康福甚慰孟高寅兄到京又聞

二宅締結親姻允當名閥在所宜

賀茲因良便謹裁尺楮用伸下忱更輒瑣煩倘幸

玉成所荷不淺也良晤未期尚冀

順時

鼎養以迓

鮑衡之任不具

臘月望日里生夏時端肅奉書

辱治下賜端肅奉書

太守徐侯

閣下

別後屢思

丰采未由請

益及聞


政聲洋溢上足以副

聖朝寵任之榮下足以慰生民之望雖黃霸之在潁川龔遂之

在渤海不啻過也行覩流芳青史何幸如之第愧弗及踵門

趨

賀而已餘復奚言檢府到縣承



惠事文類聚使茅塞日開他時倘得寸進比今感戴  
大德又何如耶殊愧無爲報爾近承

大叅楊公相見示浦城懷古一律索賡嚴韻不揣分前中  
後各十九首通五十七首議者謂賜可與言詩未審果然否  
也行當錄奉左右請

教萬一幸乞

藻鑑爲千萬感南峯住持一節係出衆議已定崇瑄未獲  
住持先竊本寺穀四千餘桶坊老章宗汝等舉覈間本僧  
脫逃區區舊爲祠祭郎中僧道爲吾所屬亦恥聞之恐累教  
門以故中輟幸乞

量客遠地無以表誠薄有粗茶五斤猪蹄一雙尚冀



鑒在不宣

賜頓首

辱愛下賜端肅奉書

太守相公先生

閣下

近遇本邑王廣文回深知沐愛動

承詢問非

樂道不以鄙夷見外曷克以臻此哉第愧舊歲迄新春以來  
偶因食飲不調致病月餘賴

庇近獲粗安無足爲

高明道向次

大叅楊公詩韻凡二百首中有奉寄

玉堂曾學士先生詩聯中云重爰未準初爰吉大雅爭如變



雅多不若下句煩

改作宵雅爭如大雅多為勝未審其果然否也尚賴

公餘念以同年之好重加

筆削示下為感適在途中燭下會便直此瀆

聽餘感尚

客另

謝不宣

賜頓首

照府處有

區區

和馮海粟詩百首暨翰林諸名公賡和詩文

煩於學中友人抄錄處重乞錄成示下

友末任

用

端肅奉書



公璧相公尊契友 閣下

判袂以來豈勝仰慕維時吳楓

剪錦陶菊鑄金緬想

治洽絃歌澤施民社

台候良震多福

區區

省觀之餘但恒磨鐵硯俛焉而已

他無足道者

足下學優登仕位至郎官幼學壯行亦可謂遂厥志矣但民


生休戚所係不宜自矜

公於修己治人之方致

君澤民之道講之有素舉而措之於從政乎何有 用 所望者

惟在忠赤二字若能留意於此治下之福也異日由此為卓

為魯世所並稱顧力行何如耳尚勉之哉胥卜未龜惟冀若



時爲

國自重不備

菊月朔後四日書

謝子溫端肅奉書

太尹徐相公

閣下

春間蒙下顧深爲寵光第恨齋舍荒

落無可爲餽愧悚愧悚別後經春涉夏諒惟治邑休暇

文候清適

區區

老矣昏瞶日甚常恐虛糜廩粟弗克報效餘

無所望焉前者承

索龍江送別詩因謏才不能即答有孤

盛意今偶成一律肅上塊不能工乞郢斲是幸未會問惟冀

若時自玉不備



雙身後日笑言

謝子溫端肅奉書

黍眷張崇端肅奉書

郡守公相尊親家閣下頃別

光霽倏忽許時瞻

山斗仰之心無時而不在於

左右也所來恭審


文候動履亨嘉鄙懷深慰區區旅食

京華株守如昨母勞

軫念今因鴻便特修尺素以伸

與居之敬謾有榛子一包貢上聊表微忱正謂千里鵝毛

勿逐輕瀆笑留幸甚辰下秋序漸涼伏惟順序



珍調以綏

多福不備

宣德戊申初秋具禮如初

趙

綱

端肅奉書

公璧相公仁契兄

閣下

自違

談笑倏又載餘而渭北江東之嘆想


彼此皆然也每遇彼處來人未嘗不詢

五兄起居莫知其的五月初旬忽陳相公至袖出

雲翰展誦再三若觀

顏色且知於途到彼納福鄙懷不勝欣慰外家書一封已付

去家中轉達去訖喜



老夫人暨判閩令弟闔宅俱各安好不須

遠念

區區

藉

庇苟安於今歲四月十九日蒙

恩宥復職因本衛將軍保留現任官

綱

想在六月中

起程北京聽

選原大於三月間起去北京聽選在此又娶一妻帶去杜舜

賢吳澤陳俊俱中進士撥行在觀政何太守改任去訖陳

敬先除陝西按察司檢校詹劉復任東陽

宅中門戶

區區


再三囑訖彥道宗輝宏道如昔 廿一令叔平安令妹已適

金華鄭評事畢駱桂芳發口外為民庭輝已故閑乞 知之

閣下雖曰僻處海濱民蠻土異慎毋以此為慮料

閣下此福此德此才未必久居於彼萬冀

順時保護以膺



寵迂不備

永樂十三年五月

趙綱禮如初

建藩張灝書奉

致政郡守徐侯閣下

歲月如逝容易許久三年一瞬息間

思欲一會不能得矣邇者

令親張憲僉自東陽來備言

福履均安鄉里遊樂殊得其所人言謝官一身輕有子萬

事足

閣下有之可賀可賀灝叨鎮藩垣株守如舊無足為道願念

平昔

過愛足認





雙身後日先詩

雅懷諒

閣下知我必不為意茲因葛推府之回布此尺楮辰下新寒  
萬冀

順時自保不具

建藩張漱書奉

葉博端肅書奉


太守徐大人閣下別僅一載每切翹企私念疇昔居家

時累承

厚德臨行際疊蒙

載肉崇酒雜然前陳兼

贐多儀登



嘉黽勉何厪如焉小婿來獲知

尊體康裕藹然於

黃堂之上晏然於綠野之間其吾郡之得

賢守賢佐有如是哉下視庸輩近忝守婺郡職雖同而施政有異民雖同而俗亦有異此可見其不自振作奮勵以貽


達者羞耳人回敬伸短札一則以致其鳴

謝之私一則以望其

矜垂之意則不勝幸甚均希

臨政之暇以時自重

貳守姚六人



通府蔣大人 王經府老相公同此致下忱不具

推府季大人

宣德六年菊月 日禮如初

寓浮梁忝交鄭 宏 端肅奉書

太守徐相公尊兄翰學 閣下 宏 記自乙巳欽承

命同事江西迨還

京邸又同旅食得聆

玉屑之談甫經三月

侯以榮擢福之建室而僕都門餞別不覿

顏範者動經二載仰

德之私曷嘗少替邇來緬惟



蕪祿爾康

善政馨香欣羨欣羨僕於舊歲三月調任南安於十月到  
任甫期月檄委舊治浮梁陶事恐在後年秋間得替回府  
今在此地托

庇苟安毋足 道念茲因謝掌教回便乏物獻芹輒有大磁  
鍾六箇粉盤十枚馳上以表寸忱萬乞

笑留幸幸貴郡人製煙墨倘得惠數笏實感

大賜也餘非筆舌可悉伏

情照卽辰仲冬謹時惟冀

珍重自愛爲

國爲民不日備



十一月初三日寓河梁黍交鄭

宏禮如初


鄉末王

傑

端肅書奉

傑

寒暄不敘昨有小頑到府



黃堂太守徐鄉尊大人

台席

重蒙

厚盼厚愛銘戴

尊德猶丘姪之仰泰山非言語所可形容也茲者斗膽干稟

藤皮紙料一節奈本縣不係出產緣

傑

一自舊歲到任以

來晝夜不寧除累行日逐杖併遞年里役徵價委實艱難况

本縣連年田禾薄收兼以銀坑辦課對糧爭邑小民疲中有

缺食逃躲者多數內見年尚有一一不曾應役無從湊解

喜有

大人差來令史備知其詳除將見數差人解報外餘皆伏望

大人好生之德仁心昭著憐憫小民乞示批回附卷庶免

後患不惟王傑之感

德抑松溪蒼生之感德也知仰知仰今因人來敬貢片楮以起

謝忱之敬辰下孟春桃花舒錦仰惟順序以膺

尊照不備

宣德六年正月廿六日

鄉末王傑禮如初

入三身

惠

諫議面七卷之再三不忍釋手感蒙厚愛奚克報稱且審

閣下體履安和而樂故鄉山水田園之清趣雖柴桑栗里

曷足過焉誠有得乎古人進退之道矣

區區

樗櫟株守藩垣

明時無補素餐而已靡足道未間冬寒惟希

萬萬以時自重

徐大人

閣下

黃仲芳拜

讀先輩與

徐公璧先生尺牘率皆親筆不假人手可見古人樸茂之風

其間秋水蒼葭之慕寫得至誠真意雖握手而談無以過之

又所往來詩文大得溫厚和平遺旨絕去粉飾勦襲套本且

並不以財帛贈答尤非今人之習尚遐哉君子實獲我心若

夫

先生以五馬廳然遠引恬適山林吟風弄月真所謂志凌青雲之上身晦塵埃之中豈狐兔燕雀所可儕乎

康熙丁卯孟冬八十九老人

法岳吳之文拜題

此帙蓋自道光二十三年冬在城御史四派孫名學潛者持


之從兄渠林師云自王坑頭庄某出售欲得價若干緡吾師

閱之如獲重寶謂及今猶久見公璧公守建寧府當時

事矣時渠林師遂安教諭解任回籍年已八十矣即囑學潛轉持鳳章家因商之吾家弟兄

輩出公常錢貳千捌百文購之先人之遺跡得以不泯

亦渠林師師之有以寶之也今當譜牒重修章與有事焉因將



13



前帙補載

今來茲云

今原世鳳章  
珍藏

道光丙午年中秋節

二十四世孫鳳章謹識



